

Хасанбай Гойиб

ХАЖРИДА КУЯР КҮНГИЛ

Күрғонтепа - 2012

ББК 84 Тожик 7-5
F- 49

Муҳаррир: Жамшид Пиримов
Компьютерда саҳифаловчи: Азамат Юсупов

F-49 Ҳасанбой Ғойиб «Ҳажрида куяр кўнгил» (шеърлар)
Кўргонтепа, «ГРАФИКА» 2012 йил 160 сах.

Китоби мазкур бахшида ба 15-солагии Ваҳдати
Миллӣ бо дастгирии Кумитаи Ичроияи ибтидоии ҲХДТ
дар КВД «Ширкати Алюминий Тоҷик» нашр гардидааст.

ISBN 978-99947-861-3-8

Муаллифлик ҳуқуқи Тожикистон Жумхуранияти
қонунлари ва ҳалқаро нормалар билан ҳимояланади.

**БУНЁД ЭТГАН БОГИНГДА
ЯШАШНИ НАСИБ ЭТСИН**



Ҳажрида куяр күнгил

*Муножом
Саловот
Абӯ Бакр Сиддиқ (р.а)
Чаҳорёлар мадҳида
Рози дил
Ватан
Наврӯз таронаси
Обод ватандар
Иброҳимбекнинг Ватанга қайтиши
Сурурбахи келажак истайман
Устозим ҳақида
Ватан яхши
Тинчлик қўшиги
Хатлонзамин
Азиз ватандошларимга
Ўзбегу тожик элимнинг*

Муножом

Илоҳо, бандай ожиз Ғойибман,
Шеърият саҳнида ноҷиз Ғойибман.
Аммо умид бир-ла чекиб ранҷ, алам
Сенга роз айтмоққа тутдим мен қалам.
Чунки ноумидлик шайтонга хосдир,
Умид дилга қувват бериши ростдир.
Илк шеърий дафтарим атаб мен «Висол»,
Сенинг висолингни айладим тимсол.
«Рухим ранглари»да ботиб хаёлга,
Ўзимни илк бора тутдим саволга.
Мени ошиқ этди илк бор жамолинг
Гўзаллик бобида фазлу камолинг.
Сўнг умримда кечди «Уйғониш фасли»,
Рухимда бедорлик ва ёниш фасли.
Сен мени Мажнундек сарсон айладинг,
Кўйингда ошиғу ҳайрон айладинг.
Дилим соғарига ишқинг қуйилди,
Ҳар не кўрсам сенинг бўлиб туюлди.
Гоҳ Ватан ишқида, гоҳ ёр ишқида,
Гоҳ фарзанд ишқида, гоҳ дор ишқида,

Мехру мұхаббат-ла ашъорлар битдим,
«Күнглим гуллари»ни мен иншо этдим.
Ишонганим учун фазлингга сенинг,
Сүз айтмоқ истадим васфингга сенинг.
Шу ондан бошланди ҳижрон кунлари,
Ҳижронмас «Юракнинг маҳзун тунлари».
Кезиб юриб умр манзилларида,
Баҳра олиб назм қандилларидан.
Улуғ устозлардан олиб мен ўрнак,
Ҳам савоб умиди бир-ла ўрганмак.
Ҳар икки халқ учун бўлсин деб хадя,
Дўстлик ришталари боғлансин дея.
Таржима ишига мен жазм этдим,
Қудратим етгунча мен назм этдим.
Илоҳим, ниятга элтгувчи ўзинг,
Муродимни ҳосил этгувчи ўзинг.
Ожизона ёзган хомаларимни,
Хома эмас, күнгил номаларимни.
Менга ҳам, элга ҳам зеру торак эт,
Ўқиган зотларга сен муборак эт!

27.05.2012йил

САЛОВОТ

Тенгингиз йўқ камолотда,
Мислингиз йўқ саховатда.
Ҳам раҳмату барокотда,
Ё, Муҳаммад Мустафо! (с.а.в.).
Қалбимнинг қўри ўзингиз,
Кўзимнинг нури ўзингиз.
Бор олам сири ўзингиз,
Ё, Муҳаммад Мустафо! (с.а.в.).
Сиз вафода денгиз мисол,
Юсуфданда соҳибжамол!
Соҳибмеъроҳ, соҳибвисол
Ё, Муҳаммад Мустафо! (с.а.в.).
Гарчи осий умматдирман,
Ёдингиз-ла сармастдирман.
Толиби шафоатдирман,
Ё, Муҳаммад Мустафо! (с.а.в.).

27.05.2012йил

Ҳажрида куяр күнгил

Расулуллоҳ (с.а.в)нинг ғордаги биродари Абу Бакр Сиддиқ (р.а)нинг пок рухларига

Дўстлар бўлинг садоқатли Абу Бакр Сиддиқ каби,
Самимий ва матонатли Абу Бакр Сиддиқ каби.
Кеча кундуз яшайдиган мўъминларнинг дарди билан,
Инсон бўлинг шижаатли Абу Бакр Сиддиқ каби.
Ёлғончилик хиёнатдир, тўғрилик ҳам омонатдир,
Бўлинг ростгўй, жасоратли Абу Бакр Сиддиқ каби.
Ким камтарин бўлса агар Ҳақнинг ўзи юксалтиур,
Бўлинг фазлу камолотли Абу Бакр Сиддиқ каби.
Тўғри яшаш бош усули, раҳнамоси Ҳақ Расули,
Бўлинг ҳаққа ҳидоятли Абу Бакр Сиддиқ каби.
Ғойиб изҳор этди дилин, дилдан тилаб ҳақнинг йўлин,
Тангрим этсин диёнатли Абу Бакр Сиддиқ каби.

31.01.2012 й.

ЧАҲОРЁРЛАР МАДХИДА

Саховат нелигин билмоқчи бўлсанг
Ҳазрат Абу Бакр Сиддиқдан ўрган.
Ҳазрати Умардек одил подшоҳни
Айт, қайси замонда қайси ҳалқ кўрган?
Покликнинг рамзидир Ҳазрати Усмон,
У зотдан хурлар ҳам ҳаё қилишган.
Ҳазрати Алининг жасурлигидан
Ҳаттоки шайтонлар қўрқиб туришган.

28.05.2012 йил

РОЗИ ДИЛ

Ватан, бағрингдаги пинҳон ганжларинг
Жисму жониимизга бергайдир қувват.
Хурлик истаб чеккан озор, ранжларинг
Бекорга кетмади – келди хуррият.
Аммо юрагимни ўрттар бир ҳадик
Қандай сарф этяпмиз ушбу қувватни?
Күз қорачигидай асрай олдикми,
Истиқлол аталмиш улуғ неъматни?!

Ватан, аждодларнинг хоки туфайли
Биҳиштга айланган гўзал бўстоним.
Кун келиб бир сиқим тупроғинг бўлиб
Розийдим бағрингта қўшилса жоним.
Мен сендан ҳеч нарса тамаъ қилмасман,
Онамсан – пойингга садқадир бошим.
Баъзан сенга қараб хўрлигим келар,
Кўзимдан қон бўлиб сизилар ёшим.
Хали қанча заҳмат чекмоқ керакдир,
Кутулмоқлик учун тўсик, ғовлардан.
Минглаб фарзанд керак Темурмалик¹ дек
Химоя қилмоққа сени ёвлардан.

¹ Чингизхонга қарши курашган тожик ҳалқ қаҳрамони

Уқдирмоқ бўламан ўғил, қизимга
Сени дилдан севмоқ қераклигини
Агар зарур бўлса, Ватан сен учун
Ҳатто жондан кечмоқ қераклигини.
Аммо сўз топмасман баён этмоққа,
Дилимни ўртаган қайғуларимни.
Яна қирқ йил қерак ўргатмоқ учун
Қирқ йилда етилган туйғуларимни.
Тунлар қочиб кетар кўзимдан уйку,
Бўғзимга тиқилиб келар фарёдим.
Менинг етти пуштим яшаган юртда
Озод яшармикан етти авлодим?!
Осмонга тикилиб ётаман ўйчан,
Нечоғ оғир ожиз яшаб ўтишлик,
Ёдимга тушади зафар истар чоғ,
«Инна фаттаҳна»ни такрор этишлик.
Руҳим енгил тортиб, кўнглим ёришиб,
Таҳорат олгали аста тураман.
Тунда ўқилажак «Таҳажҷуд» дан
Ватан, баҳтинг сўраб дуо қиласман.

12.01.2012 йил.

Ватан
Ердаги жаннат ўзинг
Мангу бўстоним Ватан.
Жоним ичра жон ўзинг
Тоза иймоним Ватан.
Ҳар гиёҳинг тўтиё,
Малҳами жоним Ватан.
Сен туфайли хуш эрур
Ҳар нафас, оним Ватан.

13.06.2012йил

НАВРҮЗ ТАРОНАСИ

Наврӯз келиб кулди олам яшнаб еру осмонлар,
Кутлуғ бўлсин халқимизга шу фаровон замонлар.
Фарбу Шарқдан юртимизга ташриф этар меҳмонлар,
Меҳмон эмас улар бизга дилдош дўйсту ёронлар,
Минг шукрким, пайдо бўлди бизга катта имконлар.
Паға-паға ёққан қорга тўлиб кетди ўнгу сўл,
Тоғларда қор мўлу анҳор, дарёларда сувлар мўл,
Яшнаб кетса не ажабдир ушбу йилда дашту чўл,
Наврӯз келиб кулди олам, яшнаб еру осмонлар,
Кутлуғ бўлсин халқимизга шу фаровон замонлар.
Хуш кўкламнинг ифоридан илҳом олиб ёздим шеър,
Парвардигор юрга тинчлик, белимизга қувват бер.
Айни меҳнат палласидир- дехқон ишлар тўкиб тер,
Наврӯз келиб кулди олам, яшнаб еру осмонлар,
Кутлуғ бўлсин халқимизга шу фаровон замонлар.
Табиатнинг гўзаллиги дилга шукуҳ баҳш этгай,
Бу шукуҳдан завқим ортиб дилнинг ғубори кетгай.
Адолатли бўлса подшоҳ эл ҳам муродга етгай,
Наврӯз келиб кулди олам, яшнаб еру осмонлар,
Кутлуғ бўлсин халқимизга шу фаровон замонлар.

19.02.2012.

ОБОД ВАТАНДА ОЗОД ЯШАШНИ НАСИБ ЭТСИН

Бунёд этган боғингда яшашни насиб этсин,
Аҳли мардга ошини ошаши насиб этсин.
Раҳбар бўлиб юриш ҳам отга минмоқ дегани,
Асл мард каби отдан тушишни насиб этсин.
Катта карвонда юргач, мақсад ҳам катта бўлар,
АЗим қир, довонлардан ошишни насиб этсин.
Тожикистон гулбоғим, суюнган улуғ тогим,
Улуғлигингга ҳисса қўшишни насиб этсин.
Лаъли Бадаҳшонимсан, Хўжанду Хатлонимсан,
Лоиқ каби ишқингда жўшишни насиб этсин.
Ободлигингни истаб заҳмат чекурман тун-кун,
Ақлимга дарё бўлиб тошишни насиб этсин.
Тарихи минг йил бўлган менинг она халқимга
Оlamда яна минг йил яшашни насиб этсин.
Худо азиз этганни ҳеч кимса хор этолмас,
Обод Ватанда озод яшашни насиб этсин.
Жаҳон томида яшаб, дунёга тилагим шу:
Аллоҳ розилигини топишни насиб этсин.
Гуллаб яшнасин доим она Тожикистоним,
Асл мардга зафарни қучишни насиб этсин.

24.01.2012 й.

**Иброҳимбекнинг Ватанга қайтиши
чоғида ўйлаганлари
Ёзувчи Эшмуҳаммад Донохоновга**

Бир ўқ кифоядир қутулмоқ учун
Виждан азобию қайғу, қирондан.
Аммо худкушлик ҳам номардлик эрур
Ватанга қайтмаслик каби Афғондан.
Аму соҳиллари алвон тус олди,
Жангда шаҳид кетган улус қонидан.
Ватан осмони ҳам қуюнга тўлди
Лақай улусининг дод-фиғонидан.
Ё тангрим, ким деган одамман энди
Ватанинг хўрлаган душман олдида.
Мени деб қон тўқди неча минг одам
Қандай номим қолар халқнинг ёдида?!
Ё, тангрим, сен ўзинг тўғри йўл кўрсат,
Ўзинг мадад бергил содик қулингга.
Ай, она элима, мени авф этгин
Нафрат билан боқма содик ўғлингга.
Ай, она элима авф айла мени,
Қайтма деб ғов солма менинг йўлимга.
Сенинг номусингни сақламоқ учун
Ўзимни топширгум душман қўлига.
Бир ўқ кифоядир қутулмоқ учун
Виждан азобию қайғу, қирондан.
Аммо худкушлик ҳам қўрқоқлик эрур
Ватанга қайтмаслик каби Афғондан.
Ай, она элима мени авф айла...

12.05.2012йил

СУРУРБАХШ КЕЛАЖАК ИСТАЙМАН

Суурбахш келажак истайман
Жаннатий, гүзал ва соҳира.
Дилимга қувват бахш этгувчи,
Нурдек соф, тоза ва бокира.
Юрагим яйраса қувончдан,
Шодлиқдан порласа кўзларим.
Қуёшдек нур сочса соғинчдан
Сарғайиб қолган бу юзларим.
Бўстонга айланган Ватанда
Шод, хуррам яшаса одамлар.
Келажак бахти деб ҳар қуни
Ташланса ҳар битта қадамлар...
Мен шундай келажак истайман.

10.01.2012 й.

УСТОЗИМ ҲАҚИДА ИККИ ШЕЪР

1

Халқ ишончин оқламоқ учун,
Аямадим куч, шижаатни.
Хаёлимда асрадим доим,
Она, сизни ҳамда Ғурётни²

Ошно бўлди менга кўп зотлар,
Азиз билиб мен минган отни.
Учратмадим дунёда лекин
Она, сиздек меҳрибон зотни.

2

Ҳали қанча ишлашим керак,
Обод этмоқ учун Ватанни.
Сен тўхтама, уриб тур, юрак,
Қувватлантири руҳ ила танни.

Юрт дарди деб ўздан кечаман,
Тугал бўлсин дея шу ҳаёт.
Тушларимга кирар кечалар,
Болалигим бешиги -Ғурёт!

² Абдурауф аканинг түғилган қишлоғи, Ҳисор ноҳиясида.

ВАТАН ЯХШИ
«Fариб қүшга гулистандан Ватан яхши»
K. Хўжандий

Кўним топиб яшаш учун макон яхши,
Озод Ватан ато этган замон яхши.
Фаришталар омин дегай ҳар бир сўзга,
«Тинч-тотувлик бўлсин» деган ҳар он яхши.
Кўнгилдаги сирни кўздан билса бўлар
Ошиқларга висол учун бўстон яхши.
Ўзга юртнинг баланд тожу равоғидан
Паст бўлса ҳам ўзимизнинг айвон яхши.
Миннат ошдан қаттиқ нон ҳам афзал эрур,
Узокдаги оқ буғдойдан сомон яхши.
Бир оғиздан чиқар яхши, ёмон сўз ҳам,
Болдай ширин сўзлагувчи забон яхши.
Гойиб ўқиб ҳикмат топди Хўжандийдан:
«Фариб қүшга боғу роғдан макон яхши».

2010.

ТИНЧЛИК ҚЎШИФИ

Тарқаб юртдан туманлар, кетди гина, гумонлар,
Яшнаб еру осмонлар бир ажиб замон келди.

Олисларда қишилаган, тунлар бедор кишинаган,
Иймон отли бир тулпор чопиб биз томон келди.

Қарор топиб бирдамлик, юртга келди хурсандлик,
Тинчликнинг кабутари учиб соғ, омон келди.

Талошлардан чарчаган дилларда қувонч, шодлик,
Она диёримизга хуш давру даврон келди.

2001йил

Хатлонзамин бағрида кўпдир
Қадамжолар, зиёратгоҳлар.
Мен бу юртнинг хокини ўпдим,
Зиёратга борганим чоғлар.
Тавоғ қиласар зиёратчилар
Авлиёлар хаққи хурмати.
Хатлонзамин узра эрта кеч
Ёғиб тураг Аллоҳ раҳмати.

2006й

АЗИЗ ВАТАНДОШЛАРИМГА

Эл бошига иш тушса мард ўғлонлар шер бўлар,
Бир – биридан айрилмас, аҳил бўлар, бир бўлар.
Номард, қўрқоқ бўлса ким, ёв келмай бурун ўлар,
Бу синовлар барчаси ўткинчидир, мувакқат,
Сабр, матонат билан меҳнат қиласайлик фақат.
Юртинг ободлиги деб жондан кечган боболар,
Юртнинг озодлиги деб жондан кечган боболар.
Фарзандларнинг бахти деб нондан кечган боболар.
Бу синовлар барчаси ўткинчидир, мувакқат,
Сабр, матонат билан меҳнат қиласайлик фақат.
Синовлар бўлиб тургай хар миллатнинг йўлида,
Ўнгингда дўстинг бўлса, ағёринг бор сўлингда.
Биздан ният ижроси -Аллоҳимнинг қўлида,
Бу синовлар барчаси ўткинчидир, мувакқат,
Сабр, матонат билан меҳнат қиласайлик фақат.
Озод бўлмаса ватан обод бўлмагай илло,
Эл бахтиёр бўлмагай сочсанг бошидан тилло.
Яхши кунлар келгуси ғойибдан иншааллох,
Бу синовлар барчаси ўткинчидир, мувакқат,
Сабр, матонат билан меҳнат қиласайлик фақат.

2009й

Ўзбегу тожик элимнинг
Боши тўйдан чиқмас азал.
Оппоқ ният, орзусидан
Туғилади шеъру ғазал.
Ҳар бирининг тилагидир
Фарзандининг баҳтини кўриш.
Бир ният бор юрагида
У ҳам бўлса тўйлар қилиш.
Элим доим осмонингда
Баҳт қуёши порлаб турсин,
Тўйлар қилгин бутун жаҳон
Сенга ҳавас қилиб юрсин.

2002йил

УМР ЎТИБ



КЕТАР ЭКАН

Идрок	Түғилмоғу ўлмоклик
Файбдан келган садо	Одам насли
Гүзал ва чиройлик яшайлик	Бизнинг
Мажнун фарёди	Дунё
Илтико	90-йиллар
Рухим bogларида барг ёзи	Устувор ғоя
шодлик	Ёзниң жазирама
Тонг чоғида	Дунё ичра баҳтимни
Яшаяпман гоҳ ғамгин, гоҳ шод	Эй, дор
Умр ўтиб кетар экан	Давронбек бобомнинг армони
Видолашув қўшигини	Ўзинг асра мени туморим
Дараҳтаги ҳиллираган	Жараён
Дедим: ғамга ботдинг Шодмон	Хаёлим орзулар
Осмон қора тортиб ёмғирлар ёғса,	Йўли очик бўлсин
Оlamни кезаркан ортди хайратим	Шоир кўзларимда
Ошиқона	Ўн олти ёшдамиз
Одам	Боғон қишлоқ йўлларида
Зорим бор юракда	Хотирамда шундай колгандир
Сирожиддин Сайийдга	Остонада турап янги йил
Даврон Гулмуродовга	Бувижоним
Ҳофиз Абдуваҳоб Тошматовга	Онамни эслаб
Ёкубжон Абдуманнонга	Онамнинг айтканлари
Валижон Мусоевга	Асра менинг онамни
Лафзи йўқ зотлар	Манзоб дарёсига
Оғир лаҳзаларда	Бахор кириб келди
Яхшилик қилгину	Ёр-ёр
Умр –бебаҳо	Бахор нафаси
Инсон умри	Келин пошшога насиҳат.
Матлабим	

ИДРОК

Танҳо ўзинг боқийсан Тангirim!
Дунё недир? Ўткинчи шамол.
Макон бўлсин ё замон бўлсин,
Бир кун албат топади завол.
Таърифингни ташбеҳ этмоққа
Қаламимнинг етмас қудрати.
Сени идрок этганим сайин
Ортиб борар дилда ҳайратим.

20.05.03й.

ҒАЙБДАН КЕЛГАН САДО

«Сизга бу дарсдир, vale сиз бехабар»³
Сизга бу фарздир, vale сиз бехабар.
Сизни яратмоқдан мурод тоат эди,
Бандалик ҳам қарздир, vale сиз бехабар.

08.03.2012.

3 Қуръон ояти.

**ГҮЗАЛ ВА ЧИРОЙЛИК ЯШАЙЛИК
(МУВАШШАХ)**

Зор қилиб ҳар үтган лаҳза, онига
Устимиздан вақтнинг карвони ўтар.
Лоақал боқмагай ортига, аммо
Фироқ алангасин қўнгилда ёқар.
Ибтидодан борар интиҳо томон
Ялинсак ҳам қайтмас- кетиб борар у.
Гўзал ва чиройлик яшайлик ҳар он,
Азизим, дунёда хотира мангу.

20.04.2012йил

МАЖНУН ФАРЁДИ

Дилимни ишқа түлдурғон
Үзингдирсан, үзингдирсан.
Тилимга зикрин билдирғон
Үзингдирсан, үзингдирсан.
Балога мубтало айлаб,
Мажнуни бенаво айлаб.
Фирофингда зор күйдирғон
Үзингдирсан, үзингдирсан.
Ошиқлигим ҳаддан ошди,
Завқим дилдан жүшиб, тошди.
Жабрини жонга түйдирғон
Үзингдирсан, үзингдирсан.
Хажрингда сарсон юргайман,
Гоҳ йиглаб, гоҳо қулгайман.
Ҳам күйдириб ҳам сүйдирғон
Үзингдирсан, үзингдирсан.
Муродимни үзинг бергин,
Хаста жонга түзим бергин.
Лайлини менга севдирғон
Үзингдирсан, үзингдирсан.

24.01.2012

ИЛТИЖО

Кора булат қоплаганда ёкқан ёмғирлар мисол,
Күзларимда ёшларим шашқатордир, шашқатор.
Юрагимни ғам булути ўртагай тун- кун эзиб,
Нече кунки хаёлимни улар ёди банд этар.
Дилга ором тополмайман, келаверар бўзлагум,
Титроқ тутар совуқларга дош бермас бу танамни.
Ота-онам меҳрин кўмсаб, дийдорини излагум,
Рахматингга олгин тангрим, менинг ота-онамни.
Ота-она давлат экан, қиёси йўқ бир давлат,
Афсус қадрин билмагаймиз улар тирик чоғида.
Тангрим, сендан тилайдирман тириқдирман то абад:
Қабрларин боғча айла жаннатингнинг боғидан.
Ётган жойин тупроғини айлантирип пар тўшакка,
Ҳавзи Кавсар сувидан бер, эшит менинг ноламни.
Бу дунёдан яхшиликни кўрмай кетишди улар,
Рахматингга олгин тангрим, менинг ота-онамни.
Суюкли зот шафоатин насиб айла уларга,
Хисоб чоги ўнг томондан бер номаи аъмолин.
Пулсиротдан ўтган чоғда чироф бўлсин иймони,
Қиёматда сен улардан дариф тутма жамолинг.
Кодир эгам, Раҳимдирсан, Раҳмондирсан сен ўзинг,
Кудратинг-ла яратгансан ўн саккиз минг оламни.
Гарчи ожиз бир қулингман ,эшит менинг дил сўзим:
Раҳматингга олгин тангрим, менинг ота-онамни.

04.03.2012й.

**РУХИМ БОҒЛАРИДА БАРГ ЁЗДИ ШОДЛИК
(МУВАШШАҲ)**

Нигоҳим қадалди ойдин йўлларга
Аслимга қайтгандек бўлдим мен яна.
Рухим боғларида барг ёзди шодлик,
Гўзал туйғуларим қилди тантана.
Илоҳим, хайрингни аяма мендан,
Зурриёдимга сен паноҳ бер доим,
Абад миннатдорман, Тангри, мен сендан.

21.04.2012йил

*Акам каби улуғим-Поччам
Садриддин Фахриддиновга марсия*

Тонг чоғида келган совуқ хабардан
Қарсиллаб синдику юрак дарахтим.
Тоғлар қулақ тушди, ёрилди осмон,
Қиёмат қўпгандек бўлди гўёки.
Тилимга сўз келмас, бўғзимга йифи,
Йўлда туриб қолдим бир лаҳза караҳт.
Жигаримни тешди ғамнинг санчиғи,
Сафаринг баҳайр, эй улкан Дараҳт!

20.04.2012йил

Яшаяпман гоҳ ғамгин, гоҳ шод
Юрак тўла илинжим билан.
Гоҳо нафсга банда, гоҳо озод,
Орзу, армон, ўтингим билан.
Яшаяпман, қирқ тўртга кириб
Топмади ҳеч юрагим ором.
Тушларимга киради ҳамон
Олисларда қолган дилором.
Баъзан ўтган умрим дафтарин
Варақлайман сарҳисоб учун.
Яшадимми Ҳаққа муносиб,
Бандалардек мен, мисол учун?
Қулоқ тутсам халқ мақолига
Камолотга етибман мен ҳам.
Энди Ҳақ деб яшамогим шарт,
Кичик ёшдан ўтибман мен ҳам.
Барча айбу нуқсонларимни
Тузатмасам бўлгайдир уят.
«Тангри ўзи қўллагай - дерлар,
Гар пок бўлса кўнгилда ният».
Яшаяпман гоҳ ғамгин, гоҳ шод...

15.01.2012 й.

Умр ўтиб кетар экан

Оддий, оддий фурсатларда
Гоҳ меҳнат, гоҳ рухсатларда.
Баҳору ёз, куз, қишлиарда
Умр ўтиб кетар экан,
Умр ўтиб кетар экан.
Ким ҳаётдан олиб сабоқ,
Ким шайтонга бўлиб ўртоқ.
Югур-югур ташвишларда
Умр ўтиб кетар экан,
Умр ўтиб кетар экан.
Мўъжиза деб қитоб «Қуръон»,
Жилдга ўраб, очмай бир он.
Маъракада юришларда
Умр ўтиб кетар экан,
Умр ўтиб кетар экан.
Пайдо бўлди турфа оқим,
Мазҳаб биру турфа ҳукм.
Амалсиз баҳс, талошларда
Умр ўтиб кетар экан,
Умр ўтиб кетар экан.

Бозор бўлди энг қизғин иш,
Мажбур этмиш шунга турмуш.
Ўлчаниб зар, кумушларда
Умр ўтиб кетар экан,
Умр ўтиб кетар экан.
Ота-она буюк давлат,
Хизмат этмай бўлиб фарзанд,
Давру даврон суришларда
Умр ўтиб кетар экан,
Умр ўтиб кетар экан.
Акам, укам, опам, синглим
Сизга қараб чўкар кўнглим.
Эсиз, жанжал, урушларда
Умр ўтиб кетар экан,
Умр ўтиб кетар экан.
Ғойиб, умринг ғанимат бил,
Ҳар нафасинг бир неъмат бил.
Йўқса афсус, нолишларда
Умр ўтиб кетар экан,
Умр ўтиб кетар экан.

15.01.2012

Видолашув қўшиғини
Куйлаб ётар ҳазин боғ.
Солланади дов – дарахтлар
Дили вайрон, бағри доғ.
Айрилиқнинг ёшларидек
Ёға бошлайди ёмғир.
Бу боғ ичра йифламасдан
Юрмоқлик жуда оғир.
Азиз боғим ўксимагин
Менинг ҳам қўнглим яrim.
Юрагимни сенга очсам,
Тоғдек келар дардларим.
Кел, дардингни менга сўйла,
Сўнгра тинглагил оҳим.
Энди бизнинг жонимизга
Тўзим берсин Аллоҳим.

11.09.2002й

**«Төглар юнг каби бўлиб қолур»
«Маориэ» сураси, 9-оят.**

Дараҳтаги ҳилпираган яшил япроқ,
Бир кун хазон бўлишини билармикан?
Кўзимни – ку тўлдиради бир кун тупроқ,
Менинг кўнглим соғарлари тўлармикан?
Тунга менгзаб бормоқдадир кундузларим,
Осмонимда ғамгин боқар юлдузларим.
Нега эрта келдингиз сиз, ай, кузларим,
Менинг кўнглим соғарлари тўлармикан.
Бу дунёда неки бор маҳв этилгайдир,
Ҳатто азим тоғлар жундек титилгайдир.
Рухим-ку ўз қафасидан қутулгайдир,
Менинг кўнглим соғарлари тўлармикан?

07.04.02

Шоир Шодмон Жўраевга

«Мен қофия устида бош қотирсам, маҳбубим дерки, менинг юзимдан бўлак ҳеч нарсани ўйлама. Мен байту ғазаллардан ниҳоят халос бўлдим. Шоирлар бош қотирадиган бу нарсаларнинг ҳаммаси бир чақа, бир чақа.»
Радий Фиш. «Жалолиддин Румий».

Нечун гирёнларинг қулар ай, дунё,
Нечун шодмонларинг бунчалар ғамгин?

Сирожиддин Сайид

Дедим: ғамга ботдинг Шодмон не учун
Дардинг қўйламайсан чок этиб яқо?
Деди: ҳақни англаб етгач мен учун
Шеър ёзиш, куйлашлар бўлди бир чақа.
Дедим: увол бўлур Тангри неъмати,
Шеър-ла баён айла ҳолингни, Шодмон.
Деди: менга йўқдир шеърнинг қиммати,
Кўйида ғамгинман, кўйида шодон.
Дедим: ёлғизликнинг эгаси Аллоҳ,
Узлатнинг шавқидан сўзла бир оғиз.
Деди: атрофимда одамлар тўп-тўп,
Аммо дардмандим йўқ, ёлғизман, ёлғиз.
Дедим: ёр васлидан мастмисан, Шодмон,
Қай мақомда ўзни ҳисоб этарсан?
Деди: ошиқликда фақат бор ҳижрон,
Васлин топган онинг куйиб кетарсан.

09.03.2012йил

«Ёмғирлар йиглади мен кулиб ўтдим,
Қабрлар йиглади мен кулиб ўтдим.
Кипригига ортиб дунё дардларин,
Сабрлар йиглади мен кулиб ўтдим»

Шодмон Жұра

Осмон қора тортиб ёмғирлар ёғса,
Сен нечун куласан, тушунтири, Шодмон.
Қабрида зор тортиб, зорлар йиғласа,
Сен нечун куласан, тушунтири, Шодмон.
Кипригига ортиб дунё ғамини,
Сабри тугаб борар зотлар йиғласа,
Айтчи, сен топдингми дунё сирини,
Недан шодсан, Шодмон, нега куласан?
Қаламни синдиридим, энди ёзмайман,
Тамоша айлайман, - дейсан, дунёни.
Қалам синдиргунча Мавлоно Румий
Хақ йўлга чорлаган бутун Кўниёни.
Маломат қилишдан йироқман, аммо,
Маъносин топмадим мен ушбу сирнинг.
Тилагим, хақ йўлдан чиқмайлик асло,
Издоши бўлайлик Мавлоно пирнинг.

10.03.2012й

Оламни кезаркан ортди ҳайратим,
Дардим ортиб борди юрак боғида.
Англадим, умр бу олий неъматдир,
Дардни енгадирман илҳом чоғида.
Гарчи битилгандир тақдири азал,
Танлаш ихтиёри бордир бандада.
Комиллик йўлида юпанч шеър, ғазал,
Шеърдан кечгум ҳаққа етган паллада.

10.03.2012й.

ОШИҚОНА
Тасаввуфий қўшиқлар ижрочиси
Рустам Ғойибовга.

Эй, замон соқийси, кел,
Дард аҳлидин олгин хабар.
Ул санам васлини қўмсаб,
Куйдику жону жигар.
Куй, қадаҳни тўлдириб,
Соқий, шафақранг бодалар.
Нўш этиб ғавғо қилайлик,
Жўр бўлсин шаҳзодалар.
Ишқ азал тақдиримиз
Ёрни бизга сўйдуур.
Дил қуши парвонадек
Ўтда ўзни куйдуур.
Тўлғонур ошиқ танам
Айлабон дод, нолалар.
Оҳларим кўкларга ўрлар,
Чашмимдан ёғур жолалар.
Эй, замон соқийси, кел,
Дард аҳлидан олгин хабар.
Куй шафақранг бодалар,
Ўзга чора йўқ дигар.

21.01. 2012 й.

ОДАМ

Бунёд этди ўз илми билан
Жаннатида қудратли Яздон.
Азиз бўлди фаришталарга
Одам дея ном олган инсон.
Деди «Ема ушбу дараҳтдан,
Сени йўлдан урмасин шайтон»,
Нафсига қул бўлди жаннатда
Одам дея аталган бу жон.
Сўнг туширди замин юзига
Айлай дея уни имтиҳон.
Сарсон юриб тазарру қилгач,
Азиз бўлди заминда инсон.
Халифалик унвонин берди,
Келтир дея Ўзимга иймон.
Ваъда этди жаннат, дўзахни,
Огоҳ этди қилма деб гумон.
Аммо инсон мудом исёнда,
Гуноҳларга ботади ҳар он.
Нафсу шайтон йўлида ҳануз
Ўз жонини этмоқда қурбон.

Пайғамбарлар, набилар берди,
Китоб берди ўқи деб Яздон.
Ҳар гал йўлдан адашаверди
Одам дея аталган бу жон.
Мудом ўзин ўтга ташлар у,
Осиyllикка ўрганган бу жон.
Ўн тўрт аср чорлаб турса ҳам
Ҳақ йўлига муқаддас Қуръон.
Эй одам, сен кўзларингни оч,
Тафаккур эт, ҳушёр торт бир он.
Раҳминг келсин ўз аҳволингга,
Фойда бермас сўнгги пушаймон.
Бир бор қўрққин эртанги қундан
Унда фақат жаннатмас ёлғиз.
Ўтин ғамлаб олов ёқиши-чун
Пойлаб турган дўзах бор, ёвуз.
Наҳот сенга ўрнак бўлмаса
Ўтганларнинг умр сабоги?
Токай умринг кечгай исёнда,
Исёningнинг борми адоги?

14.02.2012й



2011 йил. Мирзо Турсунзоданинг 100-йиллик юбилейи арафасида. Шоира Шахрия, Султонмурод Одина, Зулфия Атойи, Ҳасанбой Ғойиб, Аскар Ҳаким, Ҳадиса Қурбонова, Шарифа Алямова, Турсунзода шахри раиси Давлатшо Қурбоналиевич Гулмаҳмадов, шаҳар раиси муовини Мухаббат Жалолий, шоирнинг қизи Феруза Турсунзода.



Ҳ.Ғойиб, ТХДП Турсунзода шаҳар ижроия қўмитаси раиси М. Бобоева, Шарифа Алямова, М.Загитов, ТХДП-нинг «Галко» -даги бошланғич ижроия қўмитаси раиси И.З.Сатторов Улуг Ватан уруши ветерани Ўтабой Расулов хонадонида.

Ҳажрида куяр күнгил



2004 йил Ўлмас Жамолнинг 70-йиллиги



Л.Шерматов, О.Жуманов, Жамшид Пиримов, Ҳ.Ғойиб
ва А. Бекмуҳаммад.



Ҳидоятулло Раҳмонийнинг 60-йиллигига



«Графика» полиграфияси бошлиғи Иброҳимжон Минияров, безовчи Азамат Йосупов ва шоирнинг муҳлиси Файзулло Ибодов.

Ҳајсрида куяр кўнгил



Шоирнинг устозлари Бўри Намозов, шодравон Н.М.Убайдуллоев ва
Алимардон Шоймардонов



Поччаси шодравон Садриддин Фахриддинов, укалари Аинваржон, Икромжон
ва опаси Кароматхон Холмирзаева билан.

МУВАШШАХ

Зорим бор юракда, аммо зўрим йўқ,
Одиллик шиорим, бундан кўнглим тўқ.
Кимдир яхши одам, ким эса ёмон
Истагим барчаси бўлсинлар омон.
Разолат аҳлидан юрдим мен йироқ,
Аҳли жўмардларга тан бергум, бироқ,
Камдир жўмардликни ихтиёр этган,
Аҳдига вафони дўст, ҳамроҳ тутган.
Гадоларни кўрдим, бошида тожи,
Англадим бой улким йўқ эҳтиёжи.
Ғалат экан одам аталган махлук,
Оллоҳ деб, шайтонга қиласи қуллук.
Йўлим тўғри айла, этмагин маҳзун,
Инсон боласининг орзуси узун.
Барига гувоҳсан эй, қодир Эгам
Дардим фориф айла ўзинг мени ҳам.
Аллоҳим зикрингда зокир эт мени,
Нажот бер, тоатда мохир эт мени.

18.05.2012.й.

Ҳажрида куяр кўнгил

**Ўзбекистон халқ шоири
Сирожиддин Саййидга**

Илоҳо, янги кунни элимизга муборак эт,
Саодатли онлар қадрин тилимизга таборак эт.
«Ҳумо қуши тарк этмасин Ўзбекистон осмонини»
Деган тилак- пок ниятни дилимизга муборак эт!

11.03.2012

**Тожикистон халқ ҳофизи, «Шашмақом»
ансамбли раҳбари Даврон Гулмуродовга**

1

Бир ариқдан сув ичганмиз Даврон билан,
Гоҳо шарбат, гоҳ қолғанмиз айрон билан.
Шеъру ғазал бўстонида дил қонидан
Лавҳлар битдик, vale, юрдик, замон билан.

2

Халқ ҳофизи бўлди бугун Даврон ака,
Ифтихорга тўлди бугун Даврон ака.
«Шашмақом»ни чорак аср эл ёдида
Сақлаб келди, бахти бутун Даврон ака.

11.03.2012й.

Хофиз Абдуваҳоб Тошматовга

Нола қилса Ваҳоб ака, диллар титраб симоб бўлгай,
Эл дардини қуялаганда менинг бағрим кабоб бўлгай.
«Ватан обод мардлар билан», «Тасанно»ни қуялаганда,
Ҳасанбойга икки элдан бирдек дуо, салом бўлгай.

11.03.2012й.

Ёқубжон Абдуманнонга

Дунё қўхна масал экан, ҳожи Ёқуб,
Бунда соғлар касал экан, ҳожи Ёқуб.
Хушёрнинг ҳам, ғофилнинг ҳам бу дунёда
Севгани бол, асал экан, ҳожи Ёқуб!

11.03.2012й.

Қадрдон укам, хонанда Валижон Мусоевга

Сенинг асли ярминг тожик, ярминг ўзбек,
Икки элни қадрлайсан худди ўздек.
Жисмингга мос исминг бордир Вали деган,
Ярашиқли узукка жо бўлган қўздек.

11.03.2011

Лафзи йўқ зотлар

Лафзи йўқ кимсаларнинг сафида марди бўлмас,
Аларда мард пойининг ҳаттоки гарди бўлмас.
Келбат кериб, ҳаволаб, виқор-ла юрган билан,
Қалбидан эл дардидан заррача дарди бўлмас.

11.03.2012й.

Оғир лаҳзаларда бўлма ноумид,
Сабр либосин ташлама асло.
Дарду ташвишини кўрармиш раво,
Ўзи ёрлақаган қулига худо.

2009

Яхшилик қилгину сувга ташлагин,
Миннат каломини сўзлама зинҳор.
Савоб арқонини маҳкам ушлагин,
Унутма, олдинда ҳисоб-китоб бор.

2005

Умр -бебаҳонеъматнинг
Кўпи кетиб ози қолди.
Ионганим бу қисматнинг
Ёзи кетиб қузи қолди.
Бисотимда муҳаббатнинг
Изтиробли нози қолди.
Юрагимда хиёнатнинг
Ўчмас бўлиб изи қолди.
Йўлларимда суқунатнинг
Овози йўқ сози қолди.
Тилларимда надоматнинг
Айтилмаган сўзи қолди.
Ортга боқдим дўсту ётнинг
Ҳайрон боқсан кўзи қолди.
Олдда эса ёғоч отнинг
Якка, ёлғиз ўзи қолди.

2001йил

Инсон умри

Инсон умри манзил сари карвон эрур
Унинг йўли gox гулшан, gox ёбон эрур.
Тақдир азал йўл бошловчи сорбон эрур.
Бу дунёда ким гадо, ким султон эрур
Барча ажал сайёдига жайрон бўлар.
Афсус чекма, гарчи умр ўткинчидир.
Яхши-ёмон кунлар унда ўтгусидир,
Савоблар ҳам, гуноҳлар ҳам еткусидир.
Бу дунёга келган одам кетгусидир,
Ҳар фунча ҳам очилгач, сўнг хазон бўлар
Фоғил бўлма, ақл шамин ёқ тириксан.
Ҳар заррага дил кўзила боғ, тириксан,
Шукронга айт, бу имтиҳон чоғ, тириксан,
Бунёд айла яхшиликдан боғ, тириксан.
Шунда умринг мангаликка имкон бўлар.

07.02.2002й.

Матлабим.

Даввор фалак кенгликларида
Порлаб турган юлдузлар каби.
Менинг бедор қалбим қаърида
Юлдуз каби порлар матлабим.
Унинг бирла умрим сермазмун
Чорлар мени доимо олдга.
Ишонаман насиб этган кун
У элтади мени муродга.

2002

Туғилмоғу ўлмоқлик асли
Дунёдаги энг кўхна масал.
Умринг қанча узун бўлмасин
Бир кун эшик қоқади ажал,
Заминдаги умр онийдир,
Елиб ўтар мисоли тулпор.
Аллоҳ боқий, барча фонийдир
Қолган барча гап, сўзлар бекор.
Аммо элу юртнинг ёдидан
Ўчмагайдир яхшилар оти.
Уқбода ҳам солиҳ зотларга
Насиб этгай жаннатроҳати.

01.03.03й

Одам насли ҳар хил яралган
Кимдир кучли, ким эса нимжон.
Тангри турли шамойил бериб
Бандаларни айлар имтиҳон.
Дейлик, кимдир дўстингман дея,
Шерик бўлар ичган ошингга.
Яна сенинг ғийбатинг қилиб
Орттиради ғавғо бошингга.
Бундайлардан сира ўксима
Кечиргину олма интиқом.
Билмаса ҳам яхшилик тила,
Ахир улуғ инсон деган ном.

05.03.03й

Бизнинг асл аждодлар
Бўлишгандир сарбадор.
Номусидан кечмаган,
Кезсалар ҳам дар-бадар.
Урчиганда дунёда,
Фитна, макру хийлалар.
Хоин бўлиб зиёда,
Мард юраклар қийналар.
Мардга дунё келса тор,
Тўкмас кўздан ёшини.
Хор бўлишдан қилиб ор
Дорга тикар бошини.

2003

Дунё бу күхна карвон
Илкида вақту замон.
Сорбонликка лойиқдир
Фақат бир сүзли инсон.
Дунё бу күхна майдон
Биздан олар имтиҳон.
Инсонликка лойиқдир
Фақат бир сүзли инсон.
Дунё бир күхна қўргон
Ким бузади, ким қалқон.
Қалқонликка лойиқдир,
Фақат бир сүзли инсон.
Дунё бу күхна девон
Битгил унга бир достон.
Достонликка лойиқдир
Фақат бир сүзли инсон.
Дунё бу күхна уммон,
Чайқалади беомон.
Омон қолар бегумон
Фақат бир сүзли инсон.

2001

90-йиллар

Фитналар бошланди, бошланди ғорат,
Булғанда минг йиллик мұқаддас тупроқ.
Авж олди ватанда маккор тијорат,
Ватанни хўрлади бир тўда олчоқ.
Қадимдан биродар бўлган қавмлар
Айрилди бир зумда бўлак – бўлакка,
Олчоқлар ўқталиб қора тийрлар
Ватанни зўрлади босиб тўшакка.
Зилол сувлар оққан гўзал дарёлар
Қорайди шаҳидлар қора қонидан.
Тијорат қурбони бўлди аёллар
Айрилиб жигари, муnis ёридан.
Қирилди бегуноҳ, мўмин бандалар
Ярмиси қочоққа айланди дайдиб.
Тузлиққа тупурган эй, шармандалар,
Бу йўлдан қайтингиз истиғфор айтиб.
Кибрга берилманг, бу йўлдан қайтинг,
Шайтон тузофига бўлмангиз банди.
Сиздан нима қолар эртага, айтинг,
Аждодлар мероси она Ватанда?!

1998-2000 йиллар

Устувор ғоя

Мен билган, эшигтан ғоялар ичра
Демократиядир энг қулай ғоя.
Уни талқын қилиш мүмкін турлича
«Демократ» сүзини құшсанг кифоя.
Бизнинг юртларга ҳам кириб келмоқда.
Устувор бу ғоя имиллаб, секин.
Хозирча әл фикрин эшигтмоқ мүмкін,
Унга амал қилиш шарт эмас лекин.
Инобатта олмай әлнинг фикрини
Олғирлар қонунни бузиши мүмкін.
Хоҳласа ўзига маъкул шахслардан
«Демократ» гурухлар тузиши мүмкін.

01.03.2010й

Ёзниң жазирама кунлари, кимдир
Анхорга шүнгийди айни паллада.
Фақат бу пахтакор халқ аёллари
Кетмон чопадилар далада.
Ёзниң жазирама кунлари, кимдир
Хордигин чиқарап ётиб виллада.
Фақат бу пахтакор халқ аёллари
Кетмон чопадилар далада.
Бир аср олдин ҳам кунга қарашибай,
Улар кетмон чопган далада.
Бу ҳақда шеър ёзиш балки ярашмас,
Лекин ёзиш мумкин ғамгин баллада.

30.07.05.

Дунё ичра баҳтимни
Жуда узоқ изладим
Сенинг илкингга тушдим.
Күнгилдаги тахтимни
Ишқинг билан безадим
Танхоликка етишдим.
Англадим, ким интилса
Үзлигини топгайдир
Айлагач ўзни қурбон.
Ким ўзини англаса,
Саодатга етгайдир
Ўшадир баҳтли инсон.

30.01.02

«Ассалому алайкум, дорнинг оғочи»
«Кунтуғмиш» достонидан
«Бош ўзи не керак эрки йўқ элга?»
Рауф Парфи

Эй, дор, сен туфайли неча золимнинг
Озодлик хунида ювилган сочи.
То золим бор экан, ситам бор экан,
Қайга ҳам борардик биз сендан қочиб:
«Ассалому алайкум, дорнинг оғочи»

Туркнинг бош авлоди Абу Турк Ёфас,
Унга тегишлидир туркларнинг тожи.
Тарих солиб турклар эркига қафас,
Уларни тариқдай ташлади сочиб:
«Ассалому алайкум, дорнинг оғочи»

Кимки эрк истаюр, адолат истар,
Охири сен бўлдинг сўнгги меърожи.
Эй, дор, «Кунтуғмиш»да илк бор жаранглаб,
Барча ҳакдилларга бердинг йўл очиб:
«Ассалому алайкум, дорнинг оғочи»

Токим эл, улусда бирлик йўқ экан,
Токим талош экан элнинг хирожи.
Эрксиз бошимизни этгали қурбон,
Қошингга келурмиз кўкракни очиб:
«Ассалому алайкум, дорнинг оғочи»

04.05.2012йил.

**«Наманган согинчи» туркумидан
Давронбек бобомнинг армони**

Кора кунлар келди чинакам
Осмон узоқ, ер қаттиқ бўлди.
Наҳот юртда йўқ одил ҳакам
Дашти қипчоқ қабрга тўлди.
Акам, менинг мард, ботир акам
Бошинг олиб қайларга кетдинг?
Дилни тиғлар бир аччик алам,
Қай ўлкага, манзилга етдинг?
Қайга борай бу ердан кетиб,
Укам сари бормоқ таҳлика.
Такир чўллар, тоғлардан ўтиб
Топарманми мен сизни, ака?
Бу юрт нега бунчалар сабил,
Бу юрт нега фафлатда қотган?
Қайси айби учун бу ҳалқни,
Тангрим томуғ-дўзахга отган?!

Акам, менинг мард, ботир акам,
Юриб-юриб сизни топарман.
Баланд тоғлар бағрида қолиб
Ватан, сени мен яратаман.

11.03.2001йил

Үзинг асра мени туморим
Нажотгоҳим, содик ҳамроҳим.
Сүнди қалбда умид чироғим
Худойимга етмади оҳим.
Ортда қолди ёруғ ўйларим,
Йўлларимда хира туманлар.
Одамлармас мени гўёки
Ўраб олган чаён, илонлар.
Ўзинг асра мени туморим,
Узоқлатгин бир зум фироқни.
Токим аста ортга қайрилиб,
Ёқиб олай ўчган чироқни.

2001

Жараён.

Юрагимда бир олам орзу,
Буюк эди танлаган йўлим.
Тортиб кетди ҳаёт денгизи,
Умрим ўтди шиддатга тўлиб.
Аччик - чучук онларни кўрдим,
Ҳаётимнинг чўнг уммонида.
Орзулардан айрилиб қолдим,
Одам бўлиш жараёнида?!

2004

Хаёлим орзулар ортидан
Хар лахза парвозга шайланар.
Рүёбга чиқмаган орзулар
Қалбимда ўкинчга айланар.
Қанчалар афсунгар бўлмасин
Орзулар айланар армонга.
Худойим ҳақ йўлни қўрсатгин
Нажот бер, савдои бу жонга.

03.02.03й

Йўли очиқ бўлсин йигитнинг илло,
Умидли дунёда эртаси бўлсин.
Баъзан омад ундан тушса ҳам айро,
Қадди дол бўлмасин, елкаси бўлсин.
Турли тасодифга тўладир дунё,
Баъзан сийлар, баъзан қаттиқ ранжитар,
Йўли очиқ бўлса йигитнинг, илло
Хаёт залворини елкада тутар.

2003.

Шоир күзларимда ялтирайди ёш

Ховли орзу қилдим, бир күркам ховли
Мевали дараҳтлар экилган қатор.
Райхонлар ифори таралиб майин
Шоир юрагимга илҳом баҳш этар.
Ховуз бўйидаги супа устида
Ағанаб ётаман хаёллар суреб.
Баланд кўтарилиган ишком остида
Марварид узумлар турап осилиб.
Аста бош кўтариб машриқ тарафдан
Ховлимга ўз нурин сочади қуёш.
Рухланиб бу гўзал неъмат – шарафдан
Шоир күзларимда ялтирайди ёш.
Кўнглим кўтарилиб бу кайфиятдан
Қидириб қоламан қоғоз-қаламни.
Ёқтирамай қоламан худи шу пайтдан,
Тош – бетон деворли совуқ хонамни.

26.09.2004й

Ўн олти ёшдамиз

Ўн олти ёшдамиз дўстларим бугун
Қувонч, шодлигимиз сифмайди танга.
Хаёллар бир нафас бермайди тиним,
Юракда туйғулар олар аланга.
Ўн олти ёшдамиз дўстларим бугун.
Болаликнинг сўнгги ёшидамиз биз.
Бизни кутаётир зафарлар муштоқ,
Зафарли йўлларнинг бошидамиз биз.
Кириб бораяпмиз боқий ҳаётнинг,
Қувончу ташвишли қучоқларига.
Кириб бораяпмиз биз ҳиссиётнинг,
Чўғи яшнаб турган ўчоқларига.

1984й.

Боғбон қишлоқ йўлларида
Ўтган менинг болалигим.
Ширин тушдек қайтмас бўлиб
Кетган менинг болалигим.
Тонгдек умрим баҳорида
Отган менинг болалигим.
Куёш бўлиб хотирамга
Ботган менинг болалигим.

11.03.03й

Хотирамда шундай қолгандир,
Болалигим баҳтиёр онлар:
Ўзбекона ҳовлимиз, тандир,
Сават тўла бўрсилдоқ нонлар.
Севинардик ёпганда онам
Бизга атаб иссиқ кулчалар.
Гўзал эди ўшанда олам,
Сахий эди тақдир қанчалар.
Қия эгик беҳи шохидা
Учар эдик солиб ҳалинчак.
Кеч қолсалар отам гоҳида,
Йўлларини кутардик илҳақ.
Эшитилди дегунча йўлдан
Тракторнинг шовқини – ғуррос,
«Дадажоним келяптилар» деб,
Юргурганча чиқардик пешвоз.
Энди эса менинг йўлимга
Чопиб чиқса уччала болам.
Беихтиёр кўзим ўнгидан
Ўта бошлар ўз ота-онам.

2004

Ҳажрида куяр күнгил

Остонада туар янги йил
Болаларнинг қувончи чексиз.
Таърифлашга ожиз ҳатто тил,
Орзулари бир олам, тенгсиз.
Қор бободан совғалар кутар,
Шеър айтишар янги йил ҳақда.
“Вақт не учун оҳиста ўтар,
Қорбобожон ҳозир қаёқда?”
Болаларга ҳавасим келиб
Ёзарканман янги шеъримни.
Ёд этаман юрак- юракдан,
Ўтиб кетган азиз умримни.

6.12.05

Бувижоним кечалари
Сизни ўйлаб ётолмасман.
Қанча кезмай кўчаларни
Гардингизни тополмасман.
Хаёлимдан кетмас сира,
Сизнинг нурли нигоҳингиз.
Нетай, она, бўлолмадим,
Сўнгти йўлда ҳамроҳингиз.
Сизни йўқлаб ҳовлимизга,
Келар яқин-йироғингиз.
Уй бурчида милтирайди,
Опам ёққан чироғингиз.
Жудоликнинг даҳшатини
Англаб етдим ўтиб фурсат.
Бу дунёда ўлим экан,
Тирикларга танҳо ҳикмат.

2002

Онамни эслаб

Бир йилки дардимнинг чегараси йўқ,
Бир йилки қайғудан руҳим паришон.
Бир йилки бошимни пармалар бир ўқ,
Бир йилки қалбимни кемирар армон.
Аламу изтироб исканжасида
Кунларим кечади оғир бир тушдек.
Даҳшатли айрилиқ фожиасидан
Хастаман қаноти қайрилган қушдек.

14.07.03

Онамнинг айтганлари

Бизлар кўрган кунни сизлар кўрманглар,
Қирқинчи йилларда - урушдан кейин,
Оғир кунлар келди элнинг бошига,
Далада ишлардик бизлар кун бўйи.
Атала ичардик кунда бир марта,
Кимлардир шунга ҳам ҳатто зор эди.
Гарчи оч бўлсак ҳам болам, эл-юртда
Оқибат бор эди, меҳр бор эди.

22.09.2004йил

**Асра менинг онамни
Шарифа Аъламзодга**

Кеча сизни тушимда кўрдим,
Ёшли эди икки кўзингиз.
Нетай она, йўл узоқ бўлса,
Олис бўлса сиздан қизингиз.

Осмон узоқ, ер қаттиқ бўлса,
Дардларимни айтайнин кимга.
Онажоним, жон онажоним,
Йифлагб кирманг менинг тушимга.

Насиб этса бир куни йўқлаб
Қошингизга борарман яна.
Кўзингиздан ўпиб, қучоқлаб
Мехрингизга тўярман яна.

Бугун эса мени, онажон,
Дуо қилиб туринг мулоим.
«Асра менинг онамни»- дея
Мен Оллоҳдан тилайман доим.

2003

Манзоб дарёсига

Кирк йилда бир дарё йўлин топар деган
Эл гапига ишондим мен сени кўриб.
Манзоб дарё эсладингми ўтмишингни,
Нега бунча пишқирасан сирга тўлиб?
Соҳилдаги чинорларин қулатдинг сен,
Кўприкларни олиб кетди тўлқинларинг,
Тоғ ахлини азобларга йўлатдинг сен,
Недан бунча ғазабдадир эпкинларинг?
Манзоб дарё, қудратингнинг чеки йўқдир,
Қалдирга тог ҳайрон сенинг авзойингдан.
Тоғликларнинг билсанг сенга кеки йўқдир,
Жон дарёжон тушгин энди ғазабингдан

27.04.2003й.

Баҳор кириб келди, ям-яшил баҳор,
Табиат уйқудан уйғонди аста.
Күнглим илҳомлана бошлади тақрор,
Баҳорий ҳисларга бўлиб пайваста.

Ҳаётга меҳрим ҳам ошди бир карра,
Кўзимга-да гўзал кўринди олам.
Сирдошдек дунёда менга хар зарра,
Шодонман, дилимни ўртамас алам.

Баҳорий кайфият, самимият-ла,
Мовий осмон мени суҳбатга тутар.
Оқ паға булуллар оппоқ ният-ла,
Раҳмат ёмғирини ёғдириб ўтар,

Пойимга бош урап майсалар, гуллар.
Баҳор, ўргилайнин қадамларингдан.
Сенинг таърифингга ёзурман шеърлар,
Хотира бўлсин деб шу дамларимдан.

2007 й

Ёр-ёр

Ширкент дарё бағридан тошлар оқар, ёр-ёр,
Келинчакнинг кўзидан ёшлар оқар, ёр-ёр.
Ёшлар эмас оққан бу марвариддир, ёр-ёр,
Куёв бола йигитларнинг сарваридир, ёр-ёр.
Шафтолининг шохлари қайрилади, ёр-ёр,
Ота-она ўз қизидан айрилади ёр-ёр.
Айрилади дейиш балки хатодиро, ёр-ёр,
Ота-она ўз қизини сотадиро, ёр-ёр.
Уруғ эксанг нихол бўлиб улғаяди, ёр-ёр,
Келин-куёв бугун баҳтдан тўлғонади, ёр-ёр.
Келин тушган остона тилло бўлсин, ёр-ёр,
Келин-куёв бир умрга баҳтли бўлсин, ёр-ёр.

2005.

Баҳор нафаси

Февраль. Киш ҳам алвидо айтар,
Сезилади баҳор нафаси.
Қағ-қағ этар дарахт шохида
Қарғаларнинг тўп-тўп галаси.
Майин еллар етказиб келар
Димоғимга ялпиз бўйини.
Биргаликда жўр бўлиб чалар
Бутун борлик соғинч куйини.

2010й

Келин пошшога насиҳат.

Яңги уй, хонадонга хуш келибсиз, келинчак,
Рўзғор деган бўстонга хуш келибсиз, келинчак.
Панду насиҳатимни сиз бугун тинглаб олинг
Сўнгра эса ўзингиз хулоса қилиб олинг.
Куёвтўранинг доим хизматини қилингиз,
Уй тўрида ўтируманг, жойингизни билингиз.
Хар тонг қайнотангизга эгилиб салом беринг.
«Яша келин» десалар, «рахмат» деб жавоб беринг
Қайнона иш буюрса қавоғингиз солманигиз,
Аччиқ- чучук сўзласа қўнглингизга олмангиз.
Қайн сингил- жон сингил, асло буни унутманг,
Атир упангизни сиз улардан дариф тутманг.
Қайн оға – жон оға, иззатини қилингиз,
Сира қўполлик қилманг, қадрингизни билингиз.
Ота – Она уйига чақирмаса борманигиз,
Борган чоғ ҳам у ердан асло қуруқ келмангиз.
Қолганини ўзингиз аста билиб оласиз,
Бугундан ушбу уйда бир умрга қоласиз!

8.10.2011.

МУХАММАСЛАР



Мавлоно Жалолиддин Румий ғазалига мухаммас
Машраб ғазалига мухаммас
Үлмас Жамол ғазалига мухаммас
Асқар Маҳкам ғазалига мухаммас
Авлиёхон Эшон ғазалига мухаммас
Саййид Неъматуллоҳ Иброҳим ғазалига мухаммас

Мавлоно Жалолиддин Румий ғазалига мухаммас Ширу шакар

Гуфтам: эй, ту чонона мен ошиғинг бўларман,
Кўйингда неча йилдир куйиб, ёниб юрарман.
Уйинг остонасида зор, интизор турарман,
Дони, ки ман зи олам ёлғиз сани севарман,
Гар дар барам наёй, андар ғамат ўларман.
Чаро санам сахтдилӣ, токай бағрим тиларсан,
Севишимни сен ўзинг ахир яхши биларсан?
Гоҳо шўҳ назар ташлаб аҳволимдан куларсан,
Ман ёри бовафоям, бар ман чафо қиласан,
Гар ту маро наҳоҳӣ, ман худ сани тиларман.
Ман ошиғи васли ту, ту тахти Сулаймонам,
Сенинг учун майли, ёр, нисор мекунам чонам.
Гар раҳми ту наояд, бисӯзад хонумонам,
Рӯй чу моҳ дорӣ, ман содадил аз онам,
З-он шаккари лабонат ман як бўса тиларман.
Сен кибру ҳаво айлаб осмонларда учарсан,
Нозу карашманг бирла менга кафан бичарсан.
Ўлсам агар тӯсатдан «Э воҳ» дея қучарсан,
Ту ҳамчу шери масти, мани қоним ичарсан,
Ман чӯ сагони кўят дунболи ту кезарман...
Гар хоҳи аз чашмонам ашки хунолуд резад,

Як лаҳза нигоҳ бахшад он чашмони фирмұзат.
Ёки зар, бахмал ёпиб менинг тобутим безат,
Фармой ғамзаатро, то хуни ман бирезад,
В - арна санинг ишқингда мен бир ёзғур ёзарман.
Ошиғи бенавонгман, ақлым кирған онимдан,
Ҳажринг үтида ёниб мадор кетди жонимдан.
Ошиғлар тумор этса арзир менинг қонимдан,
Хар дам ба хашм гүй: кетгил менинг ёнимдан,
Ман рүй сахт карда(м) наздикі ту турарман.
Эх, қанча сарсон юрдим дашту биёбонингда,
Бир гадога жой йүқми мулки Сулаймонингда?
Лайлимсан, Ширинимсан сан иккі жаҳонимда,
Рұзи нишаста ҳоҳам ёлғиз сенинг ёнингда,
Сен-ла өфір ичаман, ҳам ман Қайс бұларман.
Келмасин деб бар дарат монди ҳазор қулфҳо,
Кетмагайман бұлса ҳам бошимга дор ин зулфҳо.
Тоқати тоқ бұлдими, дигар намуд рафтторро,
Мохе, чу Шамси Табрез гайбат намудо гуфто:
Аз ман дигар мапурсед, ман сүйладим, борарман.

03.03.2012йил.

Машраб ғазалига мухаммас

Неча йиллар фироғида куйган сорбонларим келди,
Бобомлардан қолиб кетган қатор карвонларим келди.
Ота-онам етолмаган орзу, армонларим келди.
Намангон шаҳридан, дўстлар, менинг ёронларим келди,
Отам бирла онамни билгувчи меҳмонларим келди.

Боболар ҳасратин айтсам, замин титраб, куйгай офтоб,
Тарқалиб кетмиш алар кўнгли доғ, бағри кабоб.
Айриликнинг жабридан чеккан аламу изтироб,
Шижаот бобида ҳар қайсиси Рустаму Суҳроб,
Адолат тахтига минган бу кун Султонларим келди.

Бу оламда ҳар бир ишга бўлғусидир сабаб, омил,
Озодликнинг насимидан саодатга бўлдик ноил.
Боболарнинг руҳлари шод, ҳамд айтмоққа тиллар мойил,
Иноятли, диёнатли яна ҳам муршиди комил,
Ҳама ориф, ҳама содик, ҳама ирфонларим келди.

Алар дийдорини кўргач, кетгай дилдан сиёҳ, Машраб,
Тангри ўзи раҳм айлаб боқди бизга қиё, Машраб.
Битгай ушбу мухаммасни Ғойиб ҳам бериё, Машраб.
Аларнинг хоки пойи қўзларимга тўтиё, Машраб,
Чарофимни мунаvvар қилгучи ҳоқонларим келди.

03.03.2012йил.

Ўлмас Жамол ғазалига мухаммас

Гуллаб яшнар она юртим, мисли жаннат макони ман,
Бар маконам аз нав омад руҳи Оли Сомони ман.
Забони давлатӣ гашта ҳазорсола забони ман,
Менинг даврим ажиб давру чи давроне замони ман,
Башар кай дида монанди баҳори бехазони ман.

Азалдан дўсту қардошлиғ менинг ўтлуг шиоримдир,
Туркману, рус, қазоқ, хинду барчаси дўсту ёримдир.
Қаён борсам йўлим кушод, инону ихтиёrimдир,
Неча эллар қариндошим, неча ўлка диёrimдир,
Сурудамро ба ҳар миллат равон созад забони ман.

Ислиқлолнинг насимидан дилим яшнар баҳору ёз,
Мисли Султон Улугбекдек фалак-ла айтишурман роз,
Озодлик васфини куйлаб ғазаллар битсанг Гойиб, оз,
Куёш бошимда парвона, замин пойимда поёндоз,
Дили ҳар одами зинда-мунаввар ошёни ман.

Одам Ато бир-ла Момо Ҳавво дилбандиман асли,
Умматиман Муҳаммаднинг -ошиғи гардиман, асли.
Икки элнинг эркатоий, забони қандиман асли,
Агарким миллатим ўзбек, замин фарзандиман асли,
Фидояш мекунам чонам, нисор умри гарони ман.

Ватан бахтин истаб дилдан яшайман кеча -кундузлар,
Шеъриятда бир ниҳолман, жон берар менга илдизлар.
Илҳом чоғи атрофимда парвона бўлгай ҳур қизлар,
Жаҳон томида улғайдим, менга ҳамхона юлдузлар,
Баланд асту маро ҳамчун нигаҳ дорад макони ман.

Сулҳ устувор бўлса юртда, «бутун бўлса дўст иймони»⁴,
Орзулар рўёбга чиққай, ушалгай дилнинг армони .
Жаннатдан излаб топмассан бу Рукнобод, Муссалони⁵,
Мени Ўлмас деганларнинг, бўлибман жўраи жони,
Забони дўсти точики чу шаккар дар даҳони ман.

01.02.2012

⁴ Абдула Орипов ибораси

⁵ Ҳофиз Шерозий ғазалига ишора

Асқар Махкам ғазалига мухаммас

Чаман ичида бир гул,
Гул бир ён, чаман бир ён
Тўра Сулаймон.

Дунё ажаб яралган аҳд бир ён, вафо бир ён,
Қисмат ўйинин кўринг раҳм бир ён, жафо бир ён.
Ёр ҳажрида бемормиз, дард бир ён, даво бир ён,
Мулки фано ичида шоҳ бир ён, гадо бир ён,
Зиндони ғам ичинда оҳ бир ён, сазо бир ён.

Биримиз ҳақ йўлида, адашганмиз биримиз,
Ажал қистовидамиз ҳоҳ ёшмиз, ҳоҳ қаримиз.
Яратганинг қошига боргайдирмиз баримиз,
Ҳарчандқим валиймиз ё хуру ё паримиз,
Лек насли одамиймиз ҳақ бир ён, хато бир ён.

Жар солурмиз жаҳонга «Мавлоно пиrimиздир»,
Қандай муридлигимиз пинҳона сиримиздир.
Оқибат якто: маҳшар йифилар еримиздир,
Шайтон пиrimиздир ҳам тийғу тийримиздир,
Ёхуд ҳар биримиздир, бад бир ён, бало бир ён.

Хар янги кун биз учун охиратдан хабар бу,
Беш қунлик дунё надир? Имтиҳони башар бу.
Авжга чиқса шайтонлик қиёматдан асар бу.
Машшотаи азал бу, машшоқи бебасар бу,
Нохун қўлида хундир, савт бир ён, садо бир ён.

Ғойиб қўнгли дунёдан қолиб борар тобора,
Ўтди Аскар Маҳкам ҳам бағри бўлиб садпора.
Бунда ким ўйин ўйнар, ким чалади ноғора,
Бул шоми базморо май сун менга нигоро,
Бол тут тилингда жоно, соз бир ён, сато бир ён.

18.03.2012йил

Авлиёхон Эшон ғазалига мухаммас

Май истаймиз ва лекин паймонани кўрмаймиз,
Сўзлашурмиз туну кун, ҳамхонани кўрмаймиз.
Ҳажрида куяр күнгил, пинҳонани кўрмаймиз,
Ишқ келди- қўз бойланди, бегонани кўрмаймиз,
Етаклаб юр, девона, майхонани кўрмаймиз.

Ошиғу маъшуқликда фироғ бору висол йўқ,
Хуснига разм солсам кипригидан узар ўқ,
Гоҳо қошин чимириб зарда билан ураг дўқ,
Шам бўлиб иккимиз ҳам тишладик ҳар кеча чўғ,
Қаноти чисирлаган парвонани кўрмаймиз.

Шавқим ортиб бородир ёрга интилган сари,
Ортидан чопиб борсам ёр кетади илгари.
Жонни ўртаб юборди нозлари, ҳийлалари,
Бу дилнинг қўргонига кирди ишқнинг лашкари,
Тош тегиб қон сачраган пешонани кўрмаймиз.

Ҳолимизга кулмагин эй, зоҳид, фикрингдан қайт,
Панду насиҳат қилма ўзгалардан ўқиб байт.
Ҳолимиз англаюрсан шу ҳолга тушганинг пайт,
Бошлама дарсхонангга, сабоғингни сувга айт,
Ишқдан ўзга мураббий, фарзонани кўрмаймиз.

Ишқ дардин қайдан билсин ғофилу қалби кўрлар,
Кўнгил кулфи очилгач ошкор бўлгуси сирлар.
Гулдан тўшаб поёндоз, бошимдан сочиб дурлар,
Эшикларин ланг очиб, кел, деб чорлади ҳурлар,
Аммо юракдан ўзга ошёнани кўрмаймиз.

Васлин бир кўрай десам ёр олган юзин ўраб,
Жонни нисор этардим, қўйса гар бир бор қараб.
Мухаммас ёзди Гойиб пирлардан дуо тилаб,
Эй Эшон, ахли ошиқ бормадик ҳолинг сўраб,
Кўзинг сувига чўккан останани кўрмаймиз.

20.03.2012йил.

Сайид Неъматуллоҳ Иброҳим ғазалига мухаммас

Кўқда дил парвоз этар, осмон муборак бўлсин-эй,
Очса арш дарвозасин, кайҳон муборак бўлсин-эй.
Васлини кўмсаб етилган армон муборак бўлсин-эй,
Эй муҳаббатлиғ кўнгил, ҳижрон муборак бўлсин-эй,
Ўт аро бу топганинг имкон муборак бўлсин-эй.

Ошиқлик асрорига ҳар кимса ҳам етмас ишон,
Гар саодат истасанг, билгил саодатдир шу он.
Васлида қуймоқ надир, айлагин ҳолинг баён,
Доманингга субҳидамда гул тўкар маҳбуб ниҳон,
Чун димоғинг ичра хуш райҳон муборак бўлсин-эй.

Бешижаат бўлса ким, қолгай аро йўлларда руст,
Неча зотлар бўлди хор, рафторини этмай дуруст.
Довюрак бўл мисли Фарҳод- тоғларни теш, ғовларни буз,
Ким муҳаббатдан жудодир, ақли-жузъ, иймони суст,
Ақли қуллар наздида иймон муборак бўлсин-эй.

Субхи шом қилсанг дуо, пирларингни ёдда тут,
Мақсадинг ёр васли бўлса одатинг бўлсин сукут.
Дилдаги шубҳа, гумон илдизин бутқул қурит,
Боқ, бу хусрон дайрида виждан унут, иймон унут,
Кўксинг ичра йифлаган инсон муборак бўлсин-эй!


Бандалик қилгин мудом, тарқ этмайин руҳи равон,
Дил эрур Ёр манзили мисли бир жон ичра жон,
Ғойиб ҳам дил розини Саййидига этгай баён:
Худшиноссан коинот асрори ўзликда аён,
Дилда меҳвар истаган кайҳон муборак бўлсин-эй.

ТОЖИК ТИЛИ ҲАҚИДА

Дунёда тиллар кўп гўзал ва жозиб
Барчасин ўрганмоқ эрур ноимкон.
Гўзал сатрларни битсинлар дея
Шу тилни яратган Ҳолиқи жаҳон.
Ҳатто Пайғамбар(с.а.в.) ҳам айтишларича
Тожикча лисонда «ду, ду» деганлар.
Ўзининг улуғвор салтанатини
Шу тилда бошқарган не жаҳонгирилар.
Қанча шоҳ асарлар нақшланмишdir
Шу тилда тарихнинг китобларига.
Ҳофиз ғазаллари илҳом бермишdir
Донишманд Гётенинг шоҳбайтларига.
Озод жаранглайди бугун Ватанда,
Унинг садосидан хушdir ҳар оним.
Ғойиб чин юракдан таманно айтар:
«Оянданг бор бўлсин кутлуғ забоним.»

30.09.2011 йил 16.40.

ТАРЖИМАЛАР



Мавлоно Жалолиддин Румийдан

Кетурсан ёр хуш хиромон, эй, жони жон, мен бирла қол,
Чорласа-да гўзал бўстон умри дўстон, мен бирла қол.
Эй фалак, сен юрма менсиз, айланма менсиз эй қамар,
Эй замин айрилма мендан, эй замон, мен бирла қол.
Бу жаҳон сен бир-ла хушдир, ул жаҳон сен бир-ла хуш,
Бу жаҳонда мен бир-ла бўл, ул жаҳон мен бир-ла қол.
Эй ишонч, кетма йироқлаб, қуйлама менсиз забон,
Эй назар, бокма менингсиз, кетма равон, мен бир-ла қол.
Кеча ҳам ўз рўйини кўргай сафед ой нуридан,
Мен қаро тунман, сен-ой, кетма осмон, мен бир-ла қол.
Гул лутфининг паноҳида ўтдан омон қолгай тикан,
Эй гул, мени этма хор, айла эҳсон, мен бир-ла қол.
Човгонингда чопганимда кўзларинг менда мудом,
Шул каби бокқин ҳамиша, бўл омон, мен бир-ла қол.
Бўлганингда шоҳга улфат, ичмагин менсиз шароб,
Борганингда ул саройга, эй посбон, мен бир-ла қол.
Кимки сен кўрсатган йўлда юрмаса ҳолига «вой»,
Сен менинг мўлжал-нишоним, эй бенишон, мен бир-ла қол.
Кимки бу йўлда юрар бўлса илмсиз хор бўлар,
Менга илм берган ўзинг, эйроҳдон, мен бир-ла қол.
Баъзилар ишқингни қуйлар, мен эса султони ишқ,
Барчамизнинг ваҳмимииздан сенсан омон, мен бирла қол.

17.03.2012йил.



ХИСОРЛИК АЛЛОМАЛАР ИЖОДИДАН

Хисори шодмоннинг 3000 - йиллигига бағишиланади



Мулло Ражаб Ҳисорий (Парий)
Шариф Ҳисорий
Домулло Имомиддин Ҳисорий (Банда)
Мирзо Олимжон Ҳасрат
Мулло Муҳаммадшариф Ҳисорий
Жазбий
Муҳаммадюсуф Маюсий
Сўфий Ҳисорий

**Мулло Ражаб Ҳисорий (Парий)
(1804-1854)**

Нечун гулга дил берай, гуландомим бўлмаса,
Мастликдан ханда қилай, маю жомим бўлмаса?
Не учун халқа урай кимса очмас эшикка,
Остонадан кирмасман дилоромим бўлмаса.
Соқиси йўқ кўзага не учун майл қўйгум,
Майхонани нетарман, гар жононим бўлмаса?
Бошимга тупроқ сочиб, қон йифламоқ не керак,
Хаста жонимга роҳат, дилда ором бўлмаса?
Шавқу завқ орзу айлаб, алданмоққа на ҳожат,
Дилга таскин бергувчи далда- пайғом бўлмаса?
Шом аро сухбат бирла базми жамшед не керак,
Шаму парвона каби зеби шомим бўлмаса?
Мен нега ханда қилиб, не учун хурсанд бўлай,
Кулфату ғамдан холи лаҳза, оним бўлмаса?
Хаста қўнглим бодасин талх айламай энди нетай,
Эй Парий, шаккар лабидан етгувчи болим бўлмаса?

**Шариф Ҳисорий
(19-аср)**

Эй дил, ишқда куймасант, куйлашингдан не фойда?
Ўзингни ахли дард деб ўйлашингдан не фойда?
Дилинг ичра худодан қўрқувдан асар ҳам йўқ,
Тун- кун номоз ўқи деб сўйлашингдан не фойда?
Экинга нима наф бор, бевакт ёққан ёмғирдан,
Ўлим келган чоғи «хай-хай»лашингдан не фойда?
Дунё фифон, зорликнинг мақомидир, эй рафиқ,
Ҳашр куни зор йиғлаб «вой»лашингдан не фойда?
Дедим: Тангirim, Шарифни қулликка қабул айла,
Деди: энди қулман деб сайрашингдан не фойда?

Домулло Имомиддин Ҳисорий (Банда) (19-20-аср)

Кетгил зохид, икки олам ичра айш-ки бор мендан,
Май мендан, шиша мендан, махфилу васли ёр мендан.
Кўздан оқсан ашкларимга тўлиб кетиб биёбонлар,
Дажла дарёсидек оқди, йиглашга ихтиёр мендан.
Пойингдан бир бўса олмоқ менинг олий орзуимдир,
Йўл мендан, гард мендан, бош оғриғу хумор мендан.
Жафо сендан, ситам сендан, ғам сендан, юз алам сендан,
Дуо мендан, вафо мендан, дил мендан, эътибор мендан.
Сендандир давру давронлар, сендандир кибру ҳаволар,
Ғам мендан, дард мендан, дийдаи интизор мендан.
Ўтди умри Банданинг гоҳ Табрез, гоҳ Нишопурда,
Ирок мендан, Рум мендан, Язд мендан, Бухор мендан.

**Мирзо Олимжон Ҳасрат
(Асри19-20-м)**

Ғазаллар

Ёр беҳурматлик ила жудолиғ қилдию кетди,
Умрим ўтди , во дареғо, бевафолиғ қилдию кетди.
Ман уни бегона бўлгай деб гумон қилмас эдим,
Ул санам якбора тарки ошнолиғ қилдию кетди.
Ўзгалар базмин қизитмиш, бизни тарки ёд этиб,
Кулбаи ободимизни вайронлиғ қилдию кетди.
Дилни адо айлаб пари, ўзга ёрга дил бериб,
Дилраболиғ йўлида беадолиғ қилдию кетди.
Ҳасрат унинг ҳаққига қилгай дуою офият,
Интизор дил эшигидан гадолиғ қилдию кетди.

Сенсиз гулни гулистонда хор билурмиз,
Зикрингиз ҳар тасбеҳни зуннор билурмиз.
Кимки сенинг неъматингга сано айтмаса,
Пойидан то бош қадар девор билурмиз.
Зоҳидо, сен сўйлама ишқу вафодан,
Суратингни шунчаки инкор билурмиз.
Захрин сочар бўлса агар топмам омонлиғ,
Номардларни биз ҳамиша мор билурмиз.
Кавқаб каби дилда доғи бор Ҳасратийнинг,
Тўққиз фалакни дилдек афгор билурмиз.

Юзларингдан бўйи гули садбарг келодир,
Зеболигингдан рашки қамар келодир.
Ишқинг оловида бошдин то оёқ куйдим,
Дил мўрисидан дуди жигар келодир.
Жафо тифин урмай десам ўз жигаримга,
Дил қаъридан нечун садо дигар келодир.
То тонггача кутдим уни зору интизор,
Маъшуқам ўз уйидан жилвагар келодир.
Ҳасрат кимга айтсанг сен аламингни,
Хазар айлаб сендан бекор, келодир.

Дедим: беражм, тингла менинг нолаю афғоним,
Ёш ўрнига қон оқар, кўргин чашми гирёним.
Мушку анбарли ўшал икки зулфинг дастидан
Садпора бўлди нетай, менинг кўкси бирёним.
Юсуф ҳушин йўқотгай, боқса сенинг юзингга,
Офтоб мисоли юзинг, ром айламиш бу жоним.
Кўйингда подшоҳлар ҳам оромини йўқотмиш,
Ҳасратда то қиёмат ашкка тўла мижгоним.

**Мулло Мұхаммадшариф Ҳисорий
(Фамгин) (19-20-аср)**

Бу кеча ғамга ботиб, куйдим интизорликдан,
Бераҳм гулузор-ла рўй берган жудоликдан.
Аввалига дилдорим сабр айлаб ром айлади,
Охирида сел бўлди ашким шашқаторликдан.
Умидсизлик домида эс-ҳушимни йўқотдим,
Бошдан то оёқ куйдим ишқида адоликдан.
Ўшал маҳвашни ўйлаб, мудом юрарман Фамгин,
Ғамгусорим йўқ менинг танҳо шу ғарибликтан

Жазбий (19-аср)

Кел, зиёрат айлагил эй ёр дили зоримиз,
Кел томоша айлагил бу гулу гулзоримиз.
Холимиз билмоқ учун имтиҳон ҳам шарт эмас,
Англагайдир кўрса ким бу рангу рухсоримиз.
Лола ҳижрон дардидан кўксига доғ асрагай,
Доғ бўлур кимки агар кўрса бу хунборимиз.
Менким ишқ водийдисига фано бўлдим нетай,
То қиёмат кимса топмас излаб осоримиз.
Бехабар зоҳид қаердан билгай қўнгил дардини,
Англаса бўлғуси дилхун ашки гулноримиз.
Эрта тонгда бўзласам нолаю афғон ила,
Ҳақнинг ўзи билмаса, ким билар оҳ-зоримиз
Бунчалар дил дардидан Жазбий, тордим дарду ғам,
Қай табибдан даво топгай дили bemorimiz.

**Мұхаммадюсуп Маюсий
(1871-1907)**

МАХБУБИМСАН, Ё АЛЛОХ!

Йүқлиқдан пайдо қилган,
Иймонни ато қилган,
Ишқида гадо қилган,
Махбубимсан, ё Аллох!
Эдим бир хамиртуруш,
Ато этдинг ақлу ҳуш,
Дединг «Оби тақво нўш»,
Матлубимсан, ё Аллох!
Аслим эди оби гил,
Бердинг қулоқ, кўз ҳам дил,
Қошингда мен кўп хижил,
Махбубимсан, ё Аллох!
Айладинг «Куръон» ато,
Ул Аҳмади Мустафо,
Бўлди бизга раҳнамо
Махбубимсан, ё Аллох!
Юбориб Жабройилни
Айирдинг ҳақ, ботилни.
Поклагувчу қўнгилни
Каломимсан, ё Аллох!

Қуръон билан айтиб роз,
Этдинг бизни сарафроз.
Шодлигимиз қил дароз,
Маҳбубимсан, ё Аллоҳ!
Эй Раҳиму эй Раҳмон,
Эй Худованди Қуръон,
Эй Раҳнамои инсон
Матлубимсан, ё Аллоҳ!
Арзу кўкни яратган,
Куёшдан нур таратган,
Бизларни азиз этган,
Маҳбубимсан, ё Аллоҳ!
Субҳонимсан эй, Раҳмон,
Қилдинг бизни мусулмон,
Зикринг тилимда ҳар он,
Матлубимсан, ё Аллоҳ!
Субҳонимсан эй Раҳим,
Ўзинг танҳо илоҳим.
Дўзахдан бер паноҳим,
Маҳбубимсан, ё Аллоҳ!

30.01.2012 йил

**Сүфий Хисорий
(1878-1921)**

Биз ҳама ёрдин ёмон эрдик ва лекин билмадик,
Барчадан шарманда жон эрдик ва лекин билмадик.
Бу не ҳолким не амал бор, не фаросат, не тамиз
Бадтарин аҳли жаҳон эрдик ва лекин билмадик.
Зиқна феълимиз билан хеш таборни ранжитиб
Яхши сўзга безабон эрдик ва лекин билмадик,
Нафсни билмасдан туриб, сўфиликдан лоф уриб
Хулқи ҳайвондан ёмон эрдик ва лекин билмадик.
Гарчи бизнинг айбимиздан ҳеч кимса воқиф эмас,
Панд эшитмас,ғўр инсон эрдик ва лекин билмадик.
Сўфий паришонлик билан сўйлади дил дардини,
Юртда сарсону сомон эрдик ва лекин билмадик.

ТОЖИК ШЕЪРИЯТИ ДУРДОНАЛАРИДАН



Мирзо Турсунзода.
Носиржон Маъсумий
Лойиқ Шерали
Бозор Собир
Мастон Шерали
Гулрухсор
Гулназар Келди
Меҳмон Бахтий
Саидали Маъмур
Рахмат Назрий
Камол Насрулло
Зулфия Атойи
Нуқра Суннатниё
Хайрандеш
Султонмурод Одина
Волий
Ҳидоятуллоҳ Раҳмоний
Раънои Мубориз
Сирожиддин Икромий
Абдуқаҳхор Қосим

**Мирзо Турсунзода.
(1911-1977)**
Шоири

Шоирим ёнмоқдан топсанг хабар
Куйганлар ҳолидан қилма ҳазар.
Ёнмоқликдан яралгуси оҳан ҳам,
Бир шуъладан тарагуси гулхан ҳам.
Бехарорат бўлса агар офтоб,
Ер юзида хаёт бўларди хароб.
Бехарорат бўлса тош бўлгусидир,
Дил ҳароратсиз бўлса ўлгусидир.
Бехарорат ҳеч не бўлмас пайдо,
Очилиб, унмоқ бўлур нораво.
Бехарорат лабда таббассум бўлмагай,
Машаладек юзда ханда урмагай.
Шоирим, ёнмоқ мудом бўлсин ишинг,
Васлга етгай факат куйса киши.
Ёнмасанг ёзган шеъринг шеър эмас,
Жононга дил боғлаш мушкул-сир эмас.
Шеърдир у тошса агар фавворадай,
Қалб қўрингда ёнган оташпорадай.
Дилдан дилларга қўчиб зор айласа,
Тош дилларни куйдириб кор айласа.
Токи ёр англаб етса куймоқ надир,
Вафо илмидан сабоқ олмоқ надир..
Шоирим топсанг ёнмоқдан хабар
Куйганлар ҳолидан қилма ҳазар.

«Азизим» дан парча

Бизлар мудом дўст ахтариб юргаймиз
Омонлигу сулҳдан сухбат қургаймиз.
Дўстлик бирла башар топгайдир роҳат
Душманлик келтирап доим ғам-офат.
Ҳароратсиз бўлгай тинчликсиз офтоб
Нотинч ерни тарк этгуси файз шу тоб.
Бахтли ҳаёт, юксак парвоз тинчликдан,
Қадр- қиммат ҳамда эъзоз тинчликдан.
Дўстни синааб кўрган бўлсанг сафарда,
Хато бўлмас дил боғласанг агарда.
Азизим, бошга тож айлагин дўстни,
Жигаринг мағзига жойлагин дўстни.

02.02.11.

Носиржон Маъсумий

Mирзо Турсунзодага

Чаққонлигу камолот ёринг бўлсин! Жавон бўлгин!
Арслон янглиғ наъра тортгин, доимо комрон бўлгин.
Борурсан Эл бир-ла орзу, умидларнинг чўққисига,
Бу йўлдан толмагин зинҳор, сен шоири замон бўлгин.
Эзгу мақсад йўлида лоларухлар бир сафдалар асли
Уларчун бошдан оёқ гул сочувчи осмон бўлгин.
Эй, сўз заргари, доим бардаму саломат бўл!
Халқу Ватан бахти учун ҳамиша соғ-омон бўлгин!

Ғазал

Мен чеҳрангга ошиқман, эй, мохи оламоро,
 Кўйингда афтодаман, меҳринг юрагимга жо.
 Токай ташлаб кетурсан, холим хароб этурсан,
 Вафо торин кесурсан ишванг тифи-ла жоно.
 Дил сиринг айла баён, мендан тутмагин пинҳон,
 Чашми сиёҳи жоду, қош, киприклари мижгон.
 Сўзласа лаъли лабинг қувват олар бу жоним,
 Шу ёшлик айёмингда бир бўса бергил жоним,
 Токи гулларга тўлсин шодликдан бош оёғим!

Байтлар

Азизим, мен томон бир бор нигоҳ қил,
 Дилинг дардларидан мени огоҳ қил.

Ажиб ғунчадаҳондирсан азизам,
 Нечоғлик хушзабондирсан азизам.

Лабларингдан бир бўса бер эй сулув,
 Ичган билан камаймас дарё суви.

Садаф ичра гавҳардек меҳринг дилда тутган макон,
 Бу ҳам бўлса сенга қаттиқ боғланганимдан бир нишон.

Илк бор онам сути билан сенинг меҳринг туйган эдим,
 Гулзорга ўргангандек гулбондек меҳрингга муштоқман, Ватан!

Офтоб оламни ёритган чоғидек,
 Билим одам учун ирфон чироғидир!

Дўйстлар хонадонингиз доимо обод бўлсин,
 Хонадон аҳлингиз ҳам некному шод бўлсин.

**Лойиқ Шерали
(1941-2000)**

Сен бўлмасанг хаёлимда
Ғазал айтмагай дарёлар.
Тириклик ҳам бўлур кўрксиз.
Шоирсиз қолгай дунёлар.
Сен бўлмасанг хаёлимда
Мухаббат ҳам қолар ёлғиз.
Мағрур чашминг оловидан
Сўниб хор бўлгай у, афсус.
Сен бўлмасанг хаёлимда
Шеърларим ҳам бўлур барбод.
Менинг озурда бу жоним
Ҳаётдан айлагайдир дод.

03.10.10й.

Зарафшонлик дилдорга

Кўзларингнинг қаърида
Куйдургувчи олов бор.
Суғдлардан мерос қадим
Олов каби бетакрор.
Куйдирдинг мени зоз-зор,
Эй зарафшонлик дилдор.
Кўзларинг оловидан
Чехранг бўлди оташгун.
Хижронингда ўртаниб
Жигар бағрим бўлди хун.
Дардим билурмисан ёр,
Эй зарафшонлик дилдор.
Ишқинг довулларида
Сарсон бўлиб юргайман.
Бир кун хоки пойингга
Бошим қўйиб ўлгайман.
Эй, зарафшонлик дилдор,
Эй, зарафшонлик дилдор.

03.10.10й.

Бозор Собир

Хотира

Лабимда лабларингдан бўса-бўса хотира қолди,
Тилимда тилларингдан қисса-қисса хотира қолди.
Кўзларинга боқиб кўздан ёшлар тўқдим минг косалаб,
Ушбу ҳолатдан кўзимда коса-коса хотира қолди.
Йўлингда термулиб кечган зор интизор онларимдан
Хотирам майсазоридан майса-майса хотира қолди .
Хижронингда ёниб куйиб адо бўлган юрагимда,
Аламлардан асар бўлиб ғусса-ғусса хотира қолди.
Сени қўмсаб неча йиллар сарсон юриб ишқ даштида
Хориб толдим вале дилда ҳисса-ҳисса хотира қолди.
Хулоса ул мўрча миён ҳамда ўтлуғ оғушингдан
Тамоми борлиғимда хоса-хоса хотира қолди.

Мастон Шерали **«Ватан» шеъридан парча**

Тожикистон, қайга бормай қўлимдаги кўзгу ўзинг,
Қайга бормай сенинг аксинг кўз ўнгимдан нари жилмас.
Ой биттадир, вале, сенинг моҳинг зебо эрур менга,
Қуёш битта, вале, сенинг офтобингга тенг келолмас.

Эй, Ватаним, бир нафас ҳам ёдинг мени тарк айламас,
Сенинг ёдинг унугланлар меҳринг билмас ўлик тандир.
Фариблиқда ёдинг билан яшаганлар беватанмас,
Кучоғингда юриб, қадринг билмаганлар, беватандир.

Гулрухсор

Билганингдек ўзинг мени, ўшалдирман, ўшалдирман,
 Ошиғи бекарор ўша, гўзалдирман, гўзалдирман.
 Ҳамон хумордир кўзларим, ҳамон анордир юзларим,
 Бамисоли Самандар күш, гоҳ учқун, гоҳ оловдирман.
 На шамшири фисқу фасод, на да занжири бу қисмат,
 Фов бўлолмас йўлларимга, менинг йўлим сен, муҳаббат!
 Эй муҳаббат, эй муҳаббат, азоблайсан мени фақат,
 Дил уйимда қайғуларим китоб янглиғ бўлди қат-қат.
 Эй муҳаббат, эй муҳаббат, бу оламда йўқдир мендек
 Бирор ошиқ, бирор гадо!
 Эй муҳаббат, эй муҳаббат, бу оламда йўқдир сендек
 Бирор паноҳ, бирор Худо!

Кўча хандон, уй зинданлик нечун ёр?
 Болаларга бўлсангизчи меҳрибон.
 Жоҳиллару номардлар дунёсида
 Аёлингиз-гулингиз истар посбон.
 Ажал мудом тириклиқдан қарздордир,
 Тириклиқда етишинг мангаликка.
 Олов янглиғ дилингизни ёндиринг,
 Ташибадиллар эришсин ёруғлиkkа.
 Ҳақ ҳукмини бизларга ўргатингиз.
 Токим гуноҳ йўлга кетмайлик кириб.
 Муҳаббатнинг кўзи бир-ла боқингиз,
 Мен зериқдим ишқу ҳавассиз юриб.
 Кўзингизла боқиб жумла жаҳонга
 Мусаффолик, зеболикни тилайин.
 Ўлчаб сизнинг амал мезонингиз-ла
 Олам яхши ёмонлигин билайин.

Гулназар Келди

То мұхаббат Вахшонзамин аёлидек сарсон экан,
Шеърим менинг исён эрур.
Токим унинг бешигида мағрур ажал хандон экан,
Шеърим менинг гирён эрур.
Рўдакийнинг кўзи каби гулзордаги ғунчалар ҳам,
Бу туннинг зулмати янглиф,
Токим афғон шамоллари оғатгари бўстон экан,
Шеърим менинг тўфон эрур.
Ўртамиизда сарҳад бордир, юрт сарҳади обод,вале,
Бағрида юз фарёд бор экан!
То ҳамсоя соясининг жойи бизнинг майдон экан,
Шеърим менинг нолон эрур.
Токим гўдак кафтларидан қалам шавқи тушар экан,
Дилда ташвиш яшар экан,
Токим сухан биноси ҳам омонату ларzon экан,
Шеърим менинг вайрон эрур.
Токим дили хаста Аму янглиф гоҳо мен паришон,
Гоҳо бўлиб мен пушаймон,
Дил қаъримда фифонларим пинҳон экан,
Шеърим менинг зиндан эрур.
Тожикистон-она юртим, менга тоза иймон экан,
Жоним ичра бир жон экан,
Токим Хўжанд, Хатлон ҳамда Риштон аро сарсон экан,
Шеърим менинг урён эрур...

Тил ҳақида

Дарий тили тожигимнинг нишонидир.
Икки жаҳон аро унинг жаҳонидир.
Санжар ила Чингизхондан кам бўлмаган
Тожикларнинг ҳам паноҳи ҳам шонидир!

Мехмон Баҳтий

Эй ҳофизлар, куйлангиз тожиклар рўзғоридан,
Даврон эътиборию тожик эътиборидан.

Меҳнатимиз ганжини, ҳимматимиз файзини
Кўриб лол қолсин олам ишимиз бароридан.

Бу комронлиғ давронлар, бу шод, хуррам замонлар,
Бир рамзи саодатдир тожиклар баҳоридан.

Ҳофиз сўзининг сехри, Восеъ ғайрати, меҳри
Пок ва мусаффо эрур тожик чашмасоридан.

Оламнинг боқий қўшки, одамнинг вафо, ишқи
Бўлсин доимо баланд тожиклар кўҳсоридан.

Кулоғингга чалинса фахру ифтихор куйи,
Билгинки дўст, бу оҳанг тожик ифтихоридан.

Мавжигул

Сенинг битта кулгингга

Дилу жоним боғладим.

Ишқу паймонинг истаб

Юрак- бағрим доғладим.

Мавжигул, Мавжигул!

Чашмаи илҳомимсан.

Мавжигул, Мавжигул!

Исми дилоромимсан.

Келгин мени сўйдиргин,

Келгин мени куйдиргин.

Севгимиз афсонасин

Бор дунёга билдиргин.

Мавжигул, Мавжигул!

Чашмаи илҳомимсан.

Мавжигул, Мавжигул!

Исми дилоромимсан.

Саидали Маъмур

**Шодлик туғилган он
Гулрухсорга**

Сен дунёга қоронғу бир тунда келдинг,
Лабда ханда бирла қутлуғ кунда келдинг.
Яхч осмонин ёритганда юлдузчалар,
Заминига юлдуз сочиб, бунда келдинг.
Сен дунёга келдинг эзгу матлаб билан,
Үзгача бир устод, үзга мактаб билан.
Қотиллигу қонхўрликни истаб эмас,
Келдинг «кетсин зулмат» деган тилак билан.
Келдинг бирдан ёришди тун кундуз бўлиб,
Қишлоқ аҳли қарши олди фирўз бўлиб.
Гарчи келган онинг фасли қиши бўлса ҳам,
Сен келдинг Гул, бизлар учун Наврўз бўлиб.
Хуш келибсан, хуш келибсан эй меҳрибон,
Эй, шоири озодаи давру замон.
Сен туғилган он «Зодрўзи дард» эмас, йўқ,
Шодлик они бўлиб қолгайдир жовидон.

Рахмат Назрий Ватан ишқи

Эй, жон ичра жоним, жоним фидойингдир,
 Эй, ишқ, Ватанжоним, жоним фидойингдир.
 Эй, жону жаҳоним, ёндиргин бу қоним,
 Эй, меҳри осмоним, жоним фидойингдир.
 Қондаги тӯғоним, эй мавжли туғёним,
 Эй, зебо маконим, жоним фидойингдир!
 Эй, қалбим оташи, ёндири обу гилим,
 Куйдиригин забоним, жоним фидойингдир.
 Бориму йўғимсан, эй ишқим, Ватаним,
 Ёндири хонумоним, жоним фидойингдир.
 Майлига хок айла, сўнг майли пок айла,
 Бегўру кафаним, жоним фидойингдир.

Бўринисо Бердиева⁶ марсияси

Мозорига гул экиб, эй азизлар йифлангиз,
 Фалак сари кўз тикиб, эй азизлар йифлангиз.
 Ўтли нигоҳларидан ой нурлари тўлишса,
 Кўзгусига шам ёқиб, эй азизлар йифлангиз.
 Одамларнинг ғамидан озурда дил эди у,
 Садпора дилга боқиб, эй азизлар йифлангиз.
 Тош ёғса ҳам осмондан, эгилмас эди боши,
 Тасбеху дуо ўқиб, эй азизлар йифлангиз.
 Тўдалар орсида озод сўзларди, энди
 Жимликка кетди ўтиб, эй азизлар йифлангиз.
 Бир замонлар маърифат боғин обод этди деб,
 Дардлашиб, кўз ёш тўкиб, эй азизлар йифлангиз.

⁶«Маориф ва маданият» журналининг собиқ муҳаррири, шодравон.

Камол Насрулло

Муборакбод

Абдулҳамид Самадга бағишиланади

Қутлуғ эллик ёш –панжоҳинг⁷ муборак!
Шукуҳли, файзли даргоҳинг муборак!
Кўнгиллар Каъбасин мулкига етдинг,
Иймон йўли бўлган роҳинг⁸ муборак!
Дилларга ёруғлик инар дилингдан
Дилинг ишқдан огоҳинг муборак!
Мехру саҳоватга тўлуғдир қалбинг
Куёш янгилиғ нурли моҳинг муборак!
Яхши деб ном олдинг эл орасида
Чунин ҳамрозу ҳамроҳинг муборак!
Фазлу адаб мулкин забт айладинг сен,
Дилинг бирла дўст, пагоҳинг⁹ муборак!
Файзли юртим она Тожикистоним,
Сенга фарзанди дилҳоҳинг муборак!

7 Панжоҳинг-эллик ёшинг

8 Роҳ- йўл.

9 Пагоҳ-эрта

Миллат газали

Қаттиқ бошинг садоси борму ё йўқ?
Бу заминнинг худоси борму ё йўқ?
Дунёда не ки мавжуд бор поёни,
Ғамингнинг интиҳоси борму ё йўқ?
Ҳамма Беку Амиру Шоху Султон
Бу юртнинг гадоси борму ё йўқ?
Бенаволиғ жон-жонимиздан ўтди,
Дуторингнинг навоси борму ё йўқ?
Отилди сен томон дунё тошлари,
Бирор тошиング садоси борму ё йўқ?
Улуғларнинг даъвосин қилган элнинг
Вале бирор пешвоси борму ё йўқ?
Барча дарднинг давоси бор, ва лекин
Махалбозлик давоси борму ё йўқ?
Ҳар ким ўзин «тождор» атар, бир бош йўқ,
Фуурнинг муттакоси борму ё йўқ?
Қайга кетди юртим файзу эҳсонинг,
Пирларингнинг дуоси борму ё йўқ?

**Зулфия Атойи
«Девони Зулф» дан
Ишқ ҳадяси**

Пичирлама қулоғимга жудоликдек хатоликни,
Билолмассан, билолмассан Атойидек адоликни.
Сен ишқимнинг худоси бўл, сен ишқимнинг атоси бўл,
Истамас дил сира саркашлик-бехудоликни.
Қўлларингни чўз белимга, дилинг боғлагин дилимга,
Изламагин зулфим аро ўзга ёрга гадоликни.
Faфлат босиб юрдик сарсон, гул умримиз топди хазон,
Дилинг бирла англа дилдор, овозин бесадоликни.
Юраклар тош, еру осмон муз қотган бу даврон ичра,
Фикринг музин эрит, ташла барча кибру ҳаволикни.
Юрагимдан қувват олиб, нур бағишила вужудимга,
Кўрай десанг шу дунёда рўшноиликни, рўшноликни.
Аввалим охирим ўзинг, ҳам субҳим ҳам шомим ўзинг,
Ўзимни баҳш этиб сенга топдим ҳаққа ошноликни.

Дастёр

Товоқларни ювгандим
Бир товоқ кетди учиб.
Гулларга сув қуйгандим
Гулдан ҳам синди тушиб.
Мошонга хашак бердим,
Товуқларга бердим дон.
Анча ёрдамим тегди,
Не иш қолди онажон?

Лайло ўзим

Дил бенаво бўлди бу кун мизроб қани, мизроб қани,
Тун бесафо бўлди бу кун, моҳтоб қани, моҳтоб қани?
Лайлодан-да лайло ўзим, ўшал гули сахро ўзим,
Йўлида зор икки кўзим, ул Мажнуни офтоб қани?
Ишқ дарсидан мен бехабар, бевафога дил боғлабон,
Бўлди менинг бағрим кабоб, Сурхоб қани, Хингоб қани?
Дил дардидан тобим қочиб, кўзларимдан хобим қочиб,
Бедор кечган шаблар аро тобим қани, хобим қани?
Дил китобим қўлимдадир, кони ғазал кўнглимдадир,
Топмам ғазалхон ахтариб, аҳбоб қани, аҳбоб қани?
Ишқ тори бунёд айлаган, бу тош қафасни синдириб,
Ўзни дарёга отгали гулдараи Варзоб қани?
Девонаю ҳушёрларим, гоҳ зор, гоҳо безорларим,
Сиримдан боҳабарларим ул гавҳари камёб қани?
Дилда гарчи ҳирс оз эди, бир ҳасратим парвоз эди,
Айт, бесадо дил торита мирзоб қани, мирзоб қани?

Шоир меърожи

Лоиқ асло кимсалар мақтовига муҳтож эмас,
Ҳеч қайси шоир журъати лоиқи меъроҷ эмас.
Шеърият оламида Лоиқ соҳибтоҷ эди,
То бу дам ҳам шеъриятда ҳеч ким соҳибтоҷ эмас.

Ҳофиздан гина

Айтгин Ҳофиз, айтгин нега ҳадя қилдинг
Самарқанду Бухорони битта ҳолга?
Ёки дунё келажагин билганмидинг,
Бизлар учун шеъринг ўхшаб турар фолга.
Шояд шўхлик қилгандирсан ёзган чоғинг,
Шоҳбайтингни ошиқликдан жўшиб қонинг?
Ошкор айла Ҳофиз бизга муаммони,
Ё фаришта «омин» деган айтган онинг?
Афсус бугун авлодларинг бир холимга
Самарқандни бермас шундан бағрим яро.
Афсус сенинг ҳимматингга турк фарзанди
Бухорони гардини ҳам кўрмас раво.

Авф айла иштибоҳимиз

Эй Ватан, эй Тожикистон, авф айлагин гуноҳимиз.
Эгри йўлга боқсан бўлсак, авф айлагин нигоҳимиз.
Бағринг бўлди тилка-пора тиру тўплар тўфонидан
Куролимиз кечир бизнинг, авф айлагин сипоҳимиз.
Гар тожу тахт бўлган бўлса жанг жадалларга сабаб,
Тахтимизни маъзур тутгин, авф айла каж кулоҳимиз.
Жанглар қилиб, жанглар кўриб, оқибатда ярашдик биз,
Тинчлигимиз ҳурматдан авф айла иштибоҳимиз.

Нуқра Суннатниё

Ёр дединг

Ёр дединг, ёр қани?
Барчадин бедор қани?
Нозил бўлган «Мен»- менда,
Кўрсатгил такрор қани?
Зоримиз эшитмаса
Иккимизнинг зор қани?
Асли барчага аён
Пардали ул ёр қани?
Кўп кездим хазон ичра
Булбули гулзор қани?
Ғунча каби очилган
Рози дили хор қани?
Девор ортида унган
Лоладек гулёр қани?
Вужудим ичра пинҳон
Ойинаи ёр қани?
Чехрам гулдек гўзалдир,
Ошиғи рухсор қани?
Ёр дейсан, ёр қани?
Зорим ўзинг, зор қани?

Эй офтоб

Айладим хўб имтиҳон, шоирдирсан,
Манзилинг чексиз осмон, шоирдирсан.
Рўдакиймас шеърият сардафтари,
Ёлғиз ўзинг ҳар ду жаҳон шоирдирсан.
Мажнун эмас, якка, ёлғиз офтоб ўзинг,
Моҳтобига ошиғи жон, шоирдирсан.
Номанг эрур ул дурахшон шуълалар,
Ҳам ғунчай гулу достон, шоирдирсан.
Шоирлик ҳам ҳар кимсанинг иши эмас,
Азал қундан то мағзи жон, шоирдирсан.
Ойнинг хаста кўнглин ёқиб, куйдирган,
Ёлқини-ла беомон шоирдирсан.
Кимки сен янглиғ ёниб, қуймас экан,
Хеч ким унга айтмас бир он: шоирдирсан

Сен турган ва мен турган гўша

Сен турган гўшада жумла ёрондир,
Бахтинг-да очилган гулдек хандондир.
Мен турган гўшада эса ёлғизлик,
Боғимда топганим йифи, фифондир.

Сен турган гўшада гулоб ичарлар,
Шаънингни улуғлаб шароб ичарлар.
Мен турган гўшада хоким хароблик,
Дилим хунобини чун об, ичарлар.

Сен турган гүшада тинчлик, халоват,
Рухинг дилинг бирла айлар мулоқот.
Мен турган гүшада ақлиму дилим
Муроса этолмай ўртагай факат.

Сен турган гүшада базм, дилбарим,
Рухинг алвон, солсам разм, дилбарим.
Мен турган гүшада юзларим сариқ,
Ҳасрат ёшларимдан хўлдир дафтарим.

Нозланиш

Истайманки йўлларингда мен хору зоринг бўлсам,
Жафо чеккан онларингда ҳамроҳинг, ёринг бўлсам.
Бошимга юз калтак урсанг, жабрингда бемор бўлсам,
Тарк айласанг келишингни пойлаб интизор бўлсам.

Истайманки лўли қиздек сенга парвона бўлсам,
Сенчи унинг ҳамсаридек бўлсанг менга бепарво.
Эрта тонгдан гадоликка йўл олсаму ва лекин,
Оқшом чоғи остоningга қайтиб келсам оввора.

Она, онажоним

1

Эй, она, онажоним менинг дили зоримсан,
Бу жаҳон ичра топган ягона ғамхоримсан.
Доим авлиёлардан мен мадад истар эдим
Англадим, ки сен ўзинг танҳо мададгоримсан.

2

Эй меҳрибон онажоним, бўлгин доим саломат,
Йироқ бўлсин дилингдан алам, ранжу надомат.
Йўлингга кўз тутишлик жонимга нур бағишилар,
Келиб уйим тўрида бўлгин чароғи давлат.

3

Эй менинг насиҳатчим, меҳрибон онажоним,
Сен ягона йўлбошчим азалдан то шу оним.
ҳар тонг худо боғидан дуоларинг туфайли,
Бошимга гул ёғилар, сен -тахти Сулаймоним.

4

Онасини ёд этар, жамики халқи жаҳон,
Онасини ёд этар, ҳар пайғамбару Султон.
«Онасизлик -балодир» деган калима ҳақдир,
Мен балодин йироқман, онажоним, бўл омон.

Гуллаган ишқ

Ишқимнинг навбаҳори мисли чаман гуллагай.
Дилимда настарину ҳам ёсуман гуллагай.
Шафақдек ял- ял ёнар ишқ ўти нигоҳимда.
Ишқимнинг лолари бағрида қон гуллагай.
Димоғимдир муаттар тоғ гуллари атридан,
Мехр тўла дилимда ишқи Ватан гуллагай.
Гулсевар шоираман дил боғимдан гул терсам
Бас дегунча дилимда боғи сухан гуллагай.

Хайрандеш

Мир Сайид Али ҳамадонийга тақлид

Кимки бизни қилса танқид, иқтидори зёр бўлсин,
Кимки бизни қилса таҳқир, ҳақаротдан дур бўлсин.
Кимки бизнинг йўлимизда чоҳ қазса душманлик билан,
Ҳар қадамда кўзларига ганжу дур манзур бўлсин.
Хайрандешни икки олам шу тилак тарқ этмагай:
Бадҳоҳларнинг баҳт қуёши доимо пурнур бўлсин.

Оҳ дунё!

Бир бошимга бунча савдо, бунча савдо,
Бир дилим-ки мавжи анинг мисли дарё.
Гарчи ҳар донони мен этдим писанд,
Бир ўзим-ла ёлғиздирман, ёлғиз, танҳо.
Кимки бу дунё юзини гар сиёҳ этмоқ бўлур,
Юзларини мурдашўй кўрсинг улар этмай қаро.
Дўстларим сиз ҳар қадамда Хайрандешдан ҳол сўранг,
Оҳ дунё, оҳ дунё, оҳ дунё, оҳ дунё!

Шашмақом

Даҳоним қанди сув ўлди Шашмақомнинг наботидан,
Мангаликни топдим, vale, унинг оби ҳаётидан.
«Шашмақом»да эътимоду эътирофу эътибор,
Топди нажот миллатим «Шашмақом»нажотидан.
Соҳибхирад миллатим табъу зеҳн фазосида
Бир умр парвоз айлагай «Шашмақом» қанотида.
То уни фаҳм этсин эллар, сайру гашт этмоқ керак,
Гоҳ Самарқанд, гоҳ Бухоро, гоҳ бобом Ҳиротида.
Хайрандеш андиша қил сен унинг ҳар савтида,
Мушкулинг ҳал бўлгай осон аниңг мушкулотида.

Султонмурод Одина

Гарчи бизлар бир замину бир қутби даврондирмиз,
Дўстлар ушбу жаҳонда тўрт кунлик меҳмондирмиз.
Мағурурлигу дабдаба, кибру ҳавомиз билан
Меҳмонлигимиз қадрин билмаган инсондирмиз.
Тириклик талошида юз фитна барпо айлаб,
Ёлғону найранглардан биз яна ҳайрондирмиз.
Тирикларга ўлмоқлик азал кундан меросдир,
Лек ўзни талошларда ўлдиргувчи жондирмиз.
Ўзни олам меҳвари атаб ғурурланумиз,
Аммо заррача гарди хоки ул кайхондирмиз.
Жонон, қадримиз билиб азиз тутайлик ўзни,
Гар бенаво гадомиз ё шоҳу Султондирмиз.

Тушларимда кўрдим сани, жонон, келгин бедор оним,
То мақтанай, бу дунёда бордир дея менинг ёrim.
Кўргин, гул булбул рашкида қадаҳ янглиғ очилмишdir,
Ё Худоё, кошки сен ҳам бўлсанг гулдек вафодорим.
Остонанг хокидан бошим, дилбар, сира қўттармасман,
Гарчи мени ҳайдасанг ҳам, гарчи берсанг ҳам озорим.
Не қулфатлар кўрди бошим, эй ёр сенинг ишқингни деб,
Тушмасин кимса бошига, ё Раб, менинг бу аҳволим.
Сенинг ишқинг йўлида чеккан ранжу зорим ҳаққи,
Ғам жаҳонин Султонига айлагин лутф, эй, дилдорим.

Волий

Ёрони меҳрибонга, биздан салом бўлсин,
Ул хур shedi осмонга, биздан салом бўлсин.
Бир зарра хок бўлсайдик, кошки пок бўлсайдик,
Поки икки жаҳонга, биздан салом бўлсин.
Йўлин йўқотганлармиз, гуноҳга ботганлармиз,
Мадад бергувчи жонга, биздан салом бўлсин.
Бизлар аҳли кибрмиз, дард қошида ожизмиз,
Кечиргувчи Раҳмонга, биздан салом бўлсин.
Гул каби очилмасдан, келди ҳазон фаслимиз,
Ул қўли гул боғбонга, биздан салом бўлсин.
Хўл-куруғимиз кетди, не қилган бўлсак ўтди,
Ўшал пири роздонга, биздан салом бўлсин.
Волий, биз дўст ёдида қаноти синган қушмиз,
Бизни яратган жонга, биздан салом бўлсин.

Ҳидоятуллоҳ Раҳмоний

Кел эй, жони дил, бўлгин жононим,
Кел эй, бўйи гул, бўлгин пинҳоним.
Кел эй илҳом бергувчи шеъримизга,
Келиб бўлгин байти шакарафшоним.
Хил-хил пишган меваларинг сингари
Келиб яшнат менинг боғу бўстоним.
Барча таъна айлар бекарорсан деб,
Келиб бўлгин менинг аҳди паймоним.
Ҳар гал сени кўрсам кўнглим ёриштай,
Тунда ойдек келиб бўл моҳистоним.
Раҳмонийнинг жони фидодир сенга
Кел эй, жоним, обод айла жаҳоним.

Ўзимдан хато топдим

Эй Дўст, фармон айлагил, ўзимдан хато топдим,
Тириклик сўқмоғида мен мушкулкушо топдим.
Вафо не унугандим ғафлатда юриб ғофил,
Сухбатингни топдиму ҳам ишқу вафо топдим.
Тўғри йўл деб ўйлабон кириб нафснинг йўлига,
Ҳамроҳим бўлгач ўзинг мен ҳам раҳнамо топдим.
Хонамдан ҳам тор эди фикру андешам менинг,
Андеша оламингдан мен аклу расо топдим.
Шўр тўла ёш оқарди қўзларим булоғидан,
Қўзларинг булоғидан мен нури шифо топдим.
Умр ҳар нафас бизни ўз ўтида қовурди,
Сен-ла бўлиб ҳамнафас, ўзимга баҳо топдим.
Волийо, Раҳмонийга айтгил дўстдан бир хабар,
Зеро, айтганларингдан мен роҳи Худо топдим.

Бедорман, эй дўст

Тунлар ёдинг ила бедорман, эй дўст,
Ёдингиз дунёда мен хорман, эй дўст.
Жон жонимга сингиб кетгансан ўзинг,
Ҳар лаҳза сен бирла мен борман, эй дўст.
Хаёлимда кечар неча андешам,
Ишқингда ҳамеша иқрорман, эй дўст.
Қўлинг ўпиб, тавоф айлайман десам
Вале ожиз ҳамда ночорман, эй дўст.
Ўзингдан ўзгага хор этма ҳаргиз,
Ишқингда туну кун мен зорман, эй дўст.
Гарчи жаннат бизга ошно эмасдир,
Зикрингда ҳамиша такрорман, эй дўст.
Раҳмонийдек панд эшигтгач Волийдан,
Танҳо сенинг ўзингга ёрман, эй дўст.

Раъни Мубориз

Худо ҳофиз

Кетар бўлдим бундан эй жон, Худо ҳофиз, Худо ҳофиз,
Гўзал юзлар қолсин омон, Худо ҳофиз, Худо ҳофиз.

Бу бедардлар тузган даврон, бу меҳри йўқ ғўр оломон,
Яшайверсин бўлиб сарсон, Худо ҳофиз, Худо ҳофиз,
Неки хуш дамларим бўлди, туғилди бари ғамлардан,
Барчасига етди поён, Худо ҳофиз, Худо ҳофиз.

Оғирдир менга тарк этмоқ, одамлардан йироқ кетмоқ,
Ёлғизлик бу эрур хижрон, Худо ҳофиз, Худо ҳофиз,
Бир қушчадек қилсан парвоз, гарчи дилда умидим оз,
Бағринг очгил менга осмон, Худо ҳофиз, Худо ҳофиз,
Сени кўзим қарогида ва ё қалбимнинг доғида,
Олиб кетгум азиз инсон, Худо ҳофиз, Худо ҳофиз,
Ошиқлиқда умр қўрсан ва ё дарвеш бўлиб юрсан,
Мени ўртайди бир армон, Худо ҳофиз, Худо ҳофиз,
Ҳақ ҳоҳласа келиб Наврўз, балки яна учрашармиз,
Не тонг, келса ўшал даврон, Худо ҳофиз, Худо ҳофиз.

Эй пир, муридингизман

(Мавлоно Жалолиддин Румийнинг хотирасига)

Сизга бўлсин ассалом, яна салом-ун-алайк,
Сизга бўлсин эҳтиром, яна салом-ун-алайк.
Сизда барча қилу қол, сизда барча завқу ҳол,
Мудом бўлинг бардавом, яна салом-ун-алайк.
Вахшимсизу Балхимсиз, Балхимсизу Румийсиз,
Румий баландмақом, яна салом-ун-алайк.
«Маснавию Маънавий» дастури амалимдир,
Эй пири назму низом, яна салом-ун-алайк.
Ишқда жаҳонгирсиз, ҳам пири ботадбирсиз,
Эй ошиғи Хуршедфом, яна салом-ун-алайк.
Сирлар кашшофиидирсиз, сиз ёрсиз, ёрсиз,
Икки жаҳонда тамом, яна салом-ун-алайк.
Каломингиздан мастман, номингиздан сармастман,
Сизга барча ному ном, яна салом-ун-алайк.
Исмингиз такрор қилсан бол томади тилимдан,
Эй чироғи хосу ом, яна салом-ун-алайк,
Эй пир, муридингизман, бир жадид қизингизман,
Етгайму сизга паём, яна салом-ун-алайк.
Гарчи Мубориздирман, ишқа муҳофиздирман,
Эруман Раънои хом, яна салом-ун-алайк.
Сиз ошиғи Зулжалол, сизда барча завқу ҳол,
Мавлавию хушкалом, яна салом-ун-алайк.

Мен келадирман

Харфни тайёр қилинг, мен келадирман,
Шавқни бедор қилинг, мен келадирман.
Хоҳ маst бўлсин, хоҳ паст бўлсин майлига бефарқ,
Жумлани ҳушёр қилинг, мен келадирман.
Таблак чалиб жар солинг жумла жаҳонга,
Уйингиз бозор қилинг, мен келадирман.
Бас етадир, қошу қабоқ қилиб юриш, бас,
Чехрани гулнор қилинг, мен келадирман.
Сурайёдан тушиб келмоқдаман мен,
Тарки ул ҳуштор қилинг, мен келадирман.
Бас, баландлик, қўним топай дейман заминда,
Ерни ҳамвор қилинг, мен келадирман.
Андаккина меҳр мени қондира олмас,
Мехрингиз бисёрг қилинг, мен келадирман.
Қошингизга келдим баланд тоғлардан ошиб,
Қабулни такрор қилинг, мен келадирман!

Сирожиддин Икромий


Кел, янги йил

Кел, янги йил, бизлар учун сафо бўлгин,
Ғамдан қаро кўнгилларга зиё бўлгин.
Тарафбозлик дол айлади қоматимиз,
Келиб мажруҳ танимизга шифо бўлгин.
«Қаерликсан?» деган савол дилни эзар,
Келиб дўстлик, иноқлиқдан садо бўлгин.
Мехру шафқат, оқибатдан ном- нишон йўқ,
Мухаббат бўл, садоқат бўл, вафо бўлгин.
Неча гумроҳ юз ўғирди ўз динидан,
Кел, янги йил, дуруди Мустафо бўлгин.
Улуғларга на хурмат бор, на эътибор,
Бефарқлиқдек хатога интиҳо бўлгин.
Ғурбатларда ризқ ахтариб бўлдик сарсон,
Барчамизга файзу эҳсон, сахо бўлгин.
Миллатимнинг кўпдир дилда дард, алами
Кел, янги йил, дардимизга даво бўлгин.

**Абдуқаҳхор Қосим
Миллат келажаги-ёшларга**

Сизлар келажагисиз миллатнинг,
Ҳам пойдеворисиз давлатнинг.
Ўқингу ўрганинг доно бўлинг,
Кўзингизни очингу бино бўлинг.
Барча ишнинг яхшиси илм эрур,
Ёшлиқда олинган билим эрур.
Одоб ила сиз топурсиз эътибор,
Билим бир-ла бўлажаксиз бунёдкор.
Худо берди бизга баҳтли давронни,
Бирдамликни ҳамда тахти Сомонни.
Шукрин қилинг она Тожикистоннинг,
Биҳишт мисол яшнаган гулистоннинг.

МЕН СЕВГАН САТРЛАР



Ҳажрида куяр күнгил

Баҳовиддин Нақшбандий:

Ошиқлар миллати динлардан жудо,
Мазҳабу миллати биргина Худо!

Ёмонларнинг ишидир гина тутмок,
Мусулмонлик- ёмонликни унутмоқ.

Сулаймон Боқирғоний:

Ҳар ким кўрсанг Хизр бил,
Ҳар тун кўрсанг қадр бил!

Барча яхши, биз ёмон,
Барча буғдой, биз сомон.

Алишер Навоий:

Оллоҳ, оллоҳ, ўлдирур шармандалик,
Ёдимга тушса бу янглиғ бандалик...

Адоватга боғлаб камар икки шоҳ,
Жаҳон аҳлини айлаб икки Сипоҳ.
Рафиқ икки дарвеш беиштибоҳ -
Эрур яхшироқким, адув икки шоҳ.

Хоғиз Хоразмий:

Менга ишқинг йўлида қон кўринур,
Юзинг ойнасида жон кўринур.

Азим Ҳожа эшон:

Ихлосимни қилсун десанг пирим қабул,
Кулларига ит бўлгину итига қул.

Машраб:

Шодмонлик излама, охир бошингга ғам келур,
Одамийнинг бошига андишаи мотам келур.

Мақсуд Шайхзода:

Шеърият диёрин шоирларимиз,
Ҳар уй, ҳар кўнгилга байтлар бўлсин ёр!
Элга дастёр бўлса шеърларимиз
Демакки, умримиз ўтмабди бекор!

Миртемир:

«Бетоблигимда» шеъридан
Мажнунтол тагига ўтқазинг мени,
Шу кунгача ўзни мен чеклаб бўлдим.
Мажнунтол тагига ўтқазинг мени,
Мен учун йиғласин, мен йиғлаб бўлдим.

Рауф Парфи:

Фирдавсий бир замон айтгани каби
Ҳар не ўткинчидир, фанонинг ўзи.
Фақат икки нарса қолур абадий-
Ботирнинг шавкати, дононинг сўзи.

«Ватан» шеъридан:

Умр деганлари ўтмоқда шошқин,
Тилла баргларини элаб йўлимга.
Сенинг мангалигинг беради таскин,
Эрта узилгувчи менин умримга.

«Туркистон ёди»

Кече содик ўғлинг ўтди дунёдан,
Сахий инсон эди, у шоир эди.
Санчилиб яшайди бир умр ёдда,
Кетаётиб, мен йиғлаб бўлдим, деди.
Йиғла энди, кўзим, сен ҳам йиғлаб ол,
Тўйсин кўз ёшингга бу туркий ситам.
Тўйсин, Ватан ёди чидар bemalol,
О, сабр дарахти қутлуғ Туркистон.
Нақадар узундир, оғирдир бу йўл.

Абдулла Орипов:

Йиллар армони

Кимгадир яхши суз айтдик, биродар,
Кимдир бир умрга ранжиб ҳам кетди.
Кун кеча ёш дердик ўзни бир қадар,
Бугунчи, балофат пайти ҳам етди.
Инсон уз умрини ўйласа кўп вакт
Қийнайди ўзидан ўтган қусурлар,
Кимгадир айтилмай қолган бир раҳмат,
Кимдандир сўралмай қолган узрлар.
Муқаммал кўрмоқчи бўлдик дунёни,
Етук бўлолмадик ўзимиз бироқ.
О, йиллар армони, йиллар армони,
Армон кўрмадим мен сиздан буюкроқ.
Инсонга тобемас замон, инчунин,
Инсон юрагида аламлар қат-қат.
Фақат бир таскин бор, барчаси учун
Афсус чека билсанг- шу ҳам бир давлат.

Усмон Азим:
“Бахшиёна”дан

1

Отим қолур демагин
Бу дунёда, шоирим.
Номард түфөнлар турса,
Отингдан гард қолмагай.
Зотим қолур демагин
Бу дунёда, шоирим.
Қисмат тескари бурса
Зотингда мард қолмагай.
Бу дунёнинг дардини
Териб кетган шоирим.
Жонингга ачинмагин-
Кетмайдими чириблар!
Бу дунёга бир қўшиқ,
Бериб кетгин шоирим.
Марҳумлар уйғонсинлар,
Ухломасин тириклар.

2

Ўлар бўлсанг, пул деб ўлма –
Номард бўлиб кетарсан.
Ўлар бўлсанг, ишқ деб ўлгин
Жўмард бўлиб кетарсан,
Ўлар бўлсанг, мансаб дема –
Тубан тушиб ўларсан,
Ўлар бўлсанг дил деб ўлгин,
Баланд учиб ўларсан.

Шавкат Рахмон:
«Туркийлар» шеъридан парча

Мўминлар беш бора Аллоҳни эслар,
Саждага бош қўйиб жаллод тошига.
Ўгирилиб сал ортга қарайин деса,
Бошига урарлар, фақат бошига.
Борми эр йигитлар, борми эр қизлар,
Борми гул бағрингда жўмард нолалар,
Борми бу туфроқда ўзлигин излаб,
Осмону фалакка боқкан болалар;
Бор бўлса аларга еткариб қўйинг,
Бир бошга бир ўлим демаган эрмас,
Шаҳидлар ўлмайди бир қараб тўйинг:
Ёвга терс қараган мусулмон эмас,
Ёвга терс қараган мусулмон эмас!

«Ғамгин шеър» дан
Эй, гулим, кўзларга ёшлар тўлганда,
Соямиз қўшилган дамларни эсланг!

«Эски шеър»дан парча
Ватаним дейману, бағрим қон бўлар,
Бу қандай ватанки, хоки бирикмас,
Буюк Турон кенгликларида
Уруғлар бир-бирин еди тириклай.

Бу қандай ватанки, шоҳизиндалар
Бир ғариб элиниң орини сотса,
Шоирлар салтанат зиналарида
Мансабу мартаба талашиб ётса.

«Бўсаға»шеъридан

Паноҳ сўрадимми боримни ечиб,
Ўзни урдимми ё бирон эшикка?
Қалтис лаҳзаларда оримдан кечиб,
Кирдимми сичқонлар кирган тешикка?
Болам, жоним болам,
Бу гўзал ҳурлик,
Унутма, бу хурлик,
Унутма, бу хурлик тўралган кунни!

Мухаммад Юсуф: «Андижон» шеъридан

Бобурга илинсанг менга қовун сўй.
Чўлпонни соғинсанг мени қучоқла.

«Иқрор» шеъридан

О, ота маконим,
Онажон ўлкам,
Ўзбекистон, жоним тўшай соянгга.
Сендей меҳрибон йўқ,
Сенингдек кўркам,
Римни алишмасман бедапоянгга.

Ҳажрида куяр күнгил

Сирожиддин Сайид:

Ватан каби поёни йўқдир,
Ватан каби мангу Навоий.

Ватан, бўстонларинг озода бўлгай
Ўғил ҳам қизларинг жонзода бўлгай
Султондай қад ростлар ҳар бир дараҳтинг,
Очилган ҳар гулинг хонзода бўлгай.

Асқар Маҳкам:

Ватан! Сен бир ҳовуч намчил тупроқсан
Мен ундан яралдим...
Унга қайтаман...

Нима қилдим мен бундан кетиб...
Нобуд қилдим топганимни ҳам.
Бу шавкатлар, шонлардан кечиб
Мол бокқани кетайлик, болам...
Умр ўтди...энди чор-ночор
Ортга қайтгим келар пиёда...
Вафосизнинг мингта ёри бор
Вафодорлар хор бу дунёда...

«Умр кечди...»

Барча улуғ мансабга минди
Бандаликни унугтагач буткул...

Сайид Неъматуллоҳ Иброҳим:

Моҳиятдан бехабар гумроҳлар
Оқибат ўт ичра чеккай оҳлар.

ДИЛДАГИ ГАПЛАР

Қозоқ классикларидан бири адабиётни «Асл сўз» деб атаган эди. Асл сўз – адабиёт инсоният учун абадий бўлган саволларга жавоб топишда кўмаклашиши ва комил инсонни тарбиялашда воситачи бўлиши керак. Ҳақни англаган, умрнинг асл моҳиятини тушуниб етган инсонгина комил инсондир. Шу маънода шоир- сўз санъаткори шахснинг комилликка эришиш йўлидаги руҳий кечинмаларини, қувончу изтиробларини ростгўйлик билан бадиий бўёкларда тасвирлаб бера олса ўзига юкланган вазифани адо этган ҳисобланади.

28 марта 2010й.

Шайх Мухаммад Содик Мухаммад Юсуф ҳазратлари «Шуаро» сураси тафсирида шундай деб ёзадилар: «Шеър фақат фисқу фужур, қандайдир казо-казоларнинг васфи, қандайдир маъшуқанинг мадхи, оҳ-воҳ ва дийдиёлар эмас, балки шеър эзгулик, иймон, Ислом хизматчиси бўлиши зарур. Шеър орқали ҳикматли, иймоний, исломий ва инсоний тушунчаларни кишиларга еtkазиш ўзига хос устунликка эгадир». Шеърият билан қизиқувчи ёшларимиз ўзларига ушбу ҳикматли сўзларни шиор қилиб олсалар ўйлайманки кўп яхшиликларга эришадилар.

03.03.2012йил.

Қисмат ёзиги ёхуд баҳт тушунчаси ҳақида

Одам фарзанди икки олам-руҳоний ва жисмоний олам ичра яшар экан, бу дунёга синов учун юборилганини, асл ватанига қайтиш учун нафс ва шайтон балосидан эмин бўлиши кераклигини теран англайди. Ба бу йўлда ўзининг ожизлигини ҳис этади ва Тангри мададига муҳтоҷлик сезади, унинг розилигини топсагина жаннатга қайта олишини, йўқса, хорликка маҳқумлигини тушуниб этади. Бу қисмат одам болаларига- илк аҳдлашувга биноан, факат Ўзига қулиқ қилишни бўйнига олган, аммо, иблиснинг ёлғонига ишониб нафс балосига мубтало бўлган Одам Атодан мерос қисматdir.

Ўшанда Одам айтди: «Илоҳим, ҳукм қилдинг, қазо юритдинг, мени кечиргил, ўзинг ёрлақагил!». Фармон келди: «Сени кечирдим, сендан келадиган фарзандларинг ҳам шундай айбларига, гуноҳларига иқрор бўлиб астойдил кечирим сўрасалар, уларни ҳам кечираман, ёрлақайман, энди жаннатдан чиққил!». Яратган Зот Одамга ўз ҳукмларини билдириди ва шу ҳукмларга итоат қиласа уни яна асл ватани-жаннатга киритажагини ваъда қилди. Шунда одамнинг қалбида умид уйғонди. Одам ҳукмларни қабул айлади ва итоат қилди. Ўз фарзандларини ҳам Ҳақ йўлга даъват қилди. Бундан сўнг ҳам Парвардигор бандаларини тўғри йўлга даъват қилиш учун пайғамбарлар юборди. Тангрининг Биру Борлигига иймон келтириб, пайғамбарларга эргашганлар нажотга етишдилар, исён қилганлар жазога лойик бўлди. Ва ниҳоят ғоя ва мақсадларнинг олийси бўлмиш суюкли ва сўнгги пайғамбаримиз Мухаммад Мустафо (с.а.в.)

Ҳасанбай Фойиб

пайғамбарликка хотима ясадилар. У кишига Аллоҳнинг мўъжизаси, инсониятни саодатга элтгувчи «Қуръони карим» нозил бўлди. Бандаларнинг энг баҳтиёrlари Саодат асрида жаноби пайғамбаримизга эргашган зотлардир. Сўнгра эса ул зоти шарифга чиройли равишда эргашиб, у зот даъват қилган амалларни қилиб, қайтарган ишлардан қайтганлар баҳтли кишилардир. Мусулмон одам баҳт деб икки дунё саодатига эришмоқликни тушунади. Шунинг учун ҳам ҳалқимизда: «Эй, Раббим бизга бу дунёда ҳам, охиратда ҳам яхшиликларингни ато қилгин ва бизга жаҳаннам азобидан паноҳ бергин» деган дуо кўп ишлатилади.

28.11.2011йил.

«Одам учун қиёмат виждонини йўқотган кундан бошланади»

07.03.2012йил

Болаликдан шеъриятга шайдо бўлдим...

Болалигим Боғбон қишлоғида кечган. Падари бузрукворим Холмирзо Фойиб ўғли (Аллоҳ раҳмат айласин) суяги меҳнатда қотган, ҳалол инсон эдилар. «Ҳақиқат» давлат хўжалигида тракторчи бўлиб ишлар эдилар. Дадам кўпинча дала ишлари билан, волидаи муҳтарамам Инобат Даврон қизи эса бизнинг тарбиямиз билан ҳамда рўзгор ишлари билан банд эдилар. Ҳовлимизда жамбилиурайхонлар, турфа гуллар чирой очиб тураг эди. Барча Фаргоналиклар сингари декончилик билан шуғулланар эдик. Биз ғам нима, ташвиш нима билмай катта бўлдик. Болалиқ уйда ғийбат

Ҳажрида куяр күнгил
бўлмайди деганларидек, хонадонимизда самийлик, рост сўзлилик устувор эди. Биз учун энг муҳим мақсад ва вазифа яхши ўқиш эди. Онамизнинг талаблари ҳам шу эди.

Ғам нелигин билмас эдим,
Онам тирик бўлганида.
Асло бемор бўлмас эдим,
Онам тирик бўлганида.
Кутганимиз меҳмон эди,
Ҳовли тўла райхон эди
Ҳар ишда бош, сорбон эди
Онам тирик бўлганида.
Опаларим иноқ эди
Укаларим қувноқ эди,
Йўлларимга муштоқ эди,
Онам тирик бўлганида.
Шоир эдим, оқин эдим,
Олов эдим, чақин эдим,
Мен жаннатга яқин эдим,
Онам тирик бўлганида.

Гўзал ва хушманзара қишлоқ, Дурбентсой ортидаги яйловлар ва адирлар, адирларга туташиб кетган пурвиқор тоғлар мени оҳанграбодек ўзига ром айлади. Эҳтимол мендаги шеъриятга бўлган қизиқишга бу ернинг гўзал табиати сабаб бўлгандир. Чунки иккинчи синфлигимиизда Нурали муаллимимиз «Ким бўласизлар?» деб берган саволларига синфдошларим ҳар қайсиси турли касбларни айтишган, мен эса «шоир бўламан» деганман. Ўшандা шоирлик касб эмаслигини

мен албатта англамаганман. Лекин болалигимдан китобга қизиқишим кучли бўлган. Уйимизнинг ёнида кутубхона бор эди. У ердан турли мавзудаги китобларни олиб ўқир эдим. Опаларим мактабда яхши ўқишиган. Мен ҳам улар таъсирида яхши ўқир эдим. 13 ёшларимда илк шеъримни ёзганман.

. 1984 йилда «Ўн олти ёш» номли илк шеърим «Ленин йўли» газетасида босилиб чиқди. Бу кун ҳаётимдаги энг қувончли кун эди. 1985-йили эса ушбу газетада «Баҳор» номли шеърим эълон қилинган эди.

Оилада тўққиз фарзанд, олти қиз, уч ўғилмиз. Беш опам, синглим ва икки укам бор. Бугун ҳаммалари уйлик-жойлик. Факат уйларимиз тўрида ўтиришга ярашадиган, тўйларимизда бош бўлиб, яхши ёмон кунларимизда қарашадиган отамиз ва онамиз йўқлар.

Кароматли пирларидан тилаб олган
Фотимаю Зухроларга ўхшасин деб.
Мавлуд ойи ҳурматига исмин қўйган,
Гуландому Гулчехралар қизларингиз!
Ҳасан десак ёлғиз дея «бой»ни қўшган,
Анвар атаб орзу қилган ёруғликни.
Тангри Икромидан қувнаб, баҳтдан жўшган,
Отажоним, онажоним ўзларингиз!

Ховлимида беш-олти бош қора мол, ўн беш-йигирмата қўйимиз бўлгич эди. ҳар йили ижарага ер олиб экин экар эдик. Оиламида шеъриятга, санъатга қизиқиш катта эди. Ота-онамиз бизга барча шароитни яратиб берган эдилар. Ўқишимиз учун ҳам, қизиқкан касб-хунарни эгаллашимиз учун ҳам.

Хотирамда шундай қолгандир,
Болалигим баҳтиёр онлар:
Ўзбекона ҳовлимиз, тандир,
Сават тўла бўрсилдоқ нонлар.
Севинардик ёпганда онам
Бизга атаб иссиқ кулчалар.
Гўзал эди ўшанда олам,
Сахий эди тақдир қанчалар.
Эшитилди дегунча йўлдан
Тракторнинг шовқини – ғуррос,
Дадажоним келяптилар» деб,
Юргурганча чиқардик пешвоз.

Ота-онамиз бизни оқ ювиб, оқ тараф ўстирдилар. Ўзлари етимлиқда ўсганлари учун бизларга жуда меҳрибон эдилар ва ҳамиша Яратганга шукронга қиласар эдилар. Пайғамбаримизнинг «Шукронга қилсангиз неъматлар зиёда бўлур» деган ҳадислари бор. Шунинг учун бўлса керак оиласизда ҳеч қачон тақчиллик кўрмаганимиз. Фақат бир армон ўртайди мени, ота-онамиз бизнинг хузуримизни кўраолмай кетдилар. Умрлари меҳнатда ўтди. Ота- Онамизнинг буюк давлат эканлигини афсус кеч англалик

Умид билан оқ ювади, оқ тараиди.
Фарзандим деб эркалайди, куйинади.
Ота-она қандай буюк давлатлиги
Фақат улар ўтгандан сўнг билинади.
Бир бурда нон ё ширинлик топса агар,
Ўзи емай фарзандига илинади.
Ота-она қандай буюк давлатлиги

Фақат улар ўтгандан сўнг билинади.

Рўзгор деймиз, юмуш деймиз, югурамиз,

Бизлар учун булар мухим туюлади.

Ота-она қандай буюк давлатлиги

Фақат улар ўтгандан сўнг билинади.

Бир боргина эшитсам деб овозини,

Соғинчлардан юрак бағрим тилинади.

Ота-она қандай буюк давлатлиги

Фақат улар ўтгандан сўнг билинади.

Бугун ўзим ота бўлиб рўзгор ташвиши, фарзандлар тарбияси нечоғлик мушкул ва маъсулиятли иш эканлигини англаб етяпман.

Энди эса менинг йўлимга

Чопиб чиқса тўртала болам.

Беихтиёр кўзим ўнгидан

Ўта бошлар ўз ота-онам.

Дадамиз 1997йилнинг 28- марта, онамиз эса 2002 йилнинг 20-июнида вафот этганлар. Мехрибон Аллоҳ уларни ўз раҳматига олган бўлсин.

Юпанч йўқдир дил түғёнига,

Жудоликдан эгилган бошим.

Мўминхўжа қабристонида,

Ётар менинг ою қуёшим.

Ҳаётимнинг юлдузи сўнган,

Осмонларим булутли, хира.

Юрагимни тилгани тилган,

Зулфиқордек кесар хотира.

Тополмайман энди сўроқлаб,

Кўзларимдан сизилар ёшим.

Қизғалдоқдек бағримни доғлаб,

Ҳажрида куяр күнгил
Ботиб кетди ою қуёшим.

Ушбу шеъримни шодравон падари бузрукворимнинг
хотирасига бағишилаб ёзганман:

Софинч

Тушларимга кирмай қолсангиз
Софинаман сизни, дадажон.
Бажардимми бурчимни дея,
Изтиробда ўртанаиди жон.
Баъзан тунлар уйқум келмайди
Ташқарида юраман дайдиб.
Юрагимда қуёш қулмайди,
Киргим келмас хонамга қайтиб.
Субҳидамда қабрингиз сари
Йўл оламан қийнар армонлар.
Хотирамдан кечади бир-бир
Биргаликда ўтказган онлар.
Ҳар гал сизнинг пойингизда жим
Ҳаққингизга қилганда дуо,
Ғамдан адо бўлган қалбимга
Қуёш соча бошлайди зиё.

Онам раҳматлиқ умрининг охиригача менинг энг яқин меҳрибоним ва қўриқчим эдилар. Муштипар онам намозини канда қилмас эдилар . Онам менинг учун тирик тарихнинг ўзи эдилар. Аллоҳ уларни ўз раҳматига олсин. Мен нимаики яхшиликка эришган бўлсам, онамнинг хайрли дуолари туфайли деб ўйлайман. У киши доим «Болам, Худодан қўрқкан, бандадан уялганлардан бўлгин», дер эдилар. ҳозир шу битикларни ёзаётган чоғимда ҳам онамнинг шу сўзлари қулоғим остида жаранглаётгандек туюлмоқда.

Онамни соғиниб

Қабрингизда очилибдирайхон, она,
Юрак бағрим изтиробдан вайрон, она.
Сизсиз умрим бөгі сарық, хазон она,
Күз ёшымдан түлди сою сайхон она.
Боғбонқирга яна баҳор қайтиб келди,
Қалдирғочлар құшиғига олам түлди.
Йүлингизда күзим гирён – гирён бүлди,
Наҳот энди сизни құрмоқ армоп, она.
Бир сиз билан қаро тупроқ түярмиди?
Мен йиғласам бирор инсон куярмиди?
Мени сиздек бирор инсон суярмиди?
Пойингизга бүлай ўзим курбон, она.
Энди менинг бошларимни силайди ким?
Саҳарларда оқ фотиха тилайди ким?
Бир кун ўлсам «ўғлим» дея йиғлайди ким?
Сиз эдингиз бошимизга посбон, она.
Айтган билан битмас дардим, қондир дилим,
Ҳасратларга түлган менинг обу гилим.
Софинчлардан бағрим бүлди тилим-тилим,
Күз ёшымдан түлди сою сайхон, она.

Худодан ягона тилагим ота-онамнинг охиратларини обод қылсын. Бизни тарбия қиласыз деб ибодатларини тарк қылған бүлсалар, ўз карами билан авғайлаб, бу дунёда күрмаган яхшиликларини у дунёда күришликларини насиб айласин. Бир нарсаны ишонч билан айта оламанки улар бизни ҳалол меңнатлари эвазига боқиб катта қылдилар. Ростгүй ва ҳалол инсон

*Ҳажрида куяр күнгил
бўлишимизни тилар эдилар.*

Фақат бир ҳис менинг дилимга юпанч беради, у ҳам бўлса фарзандларим, жиянларим сиймосида ота-онамнинг ва ўтган аждодларимизнинг сиймосини кўраман. Демак наслимиз давом этяпти. Бизнинг вазифамиз эса уларга муносиб тарбия беришдир.

Бир укамга қарасам ёдимга тушар отам,
Бир укамга қарасам тогам келар ёдимга.
Онажоним сиймоси пайдо бўлар дам ба дам,
Жиянларим югуриб келар экан олдимга.
Қизимнинг юзларида опамнинг чиройи бор,
Ўғлимнинг келбатида бордир отам суврати.
Кўзларида юлдузи, юзларида ойи бор,
Фарзандларим хулқида бордир бобом сийрати.
Инсон яшар абадий авлодлар сиймосида,
Ёди ўчмас дунёда токим унинг насли бор.
Дуо қилинг, азизлар фарзандларнинг ҳаққига,
Барҳаётдир одамзод гар наслининг асли бор.
Ота-онамиз ўтгач ҳовлимиздаги чирой ҳам файз барака
ҳам ҳам улар билан бирга кетгандек.
Лекин қачон борсам, ҳовлидаги ҳар бир нарса менга
уларнинг сиймосини эслатади.

Кишлогимга кириб бораркан,
Ҳовлимиизга яқинлашган дам,
Мени кутиб ўлтирган каби
Туюлади меҳрибон дадам.
«Ўғлим, яхши келдингми?» -дея,
Тикилгандек кўзимга оғир.
Йўл бошлайди ҳовлига қараб,

Ох, соғинчдан юрагим оғрир.
Үтар экан остона ошиб,
Бир нур чулғар сехрли, жозиб,
Ана, тахта сўри устида
Бувим қутар дастурхон ёзиб.
“Болажоним, келасан дея,
Ёпиб қўйдим сенга иссиқ нон.
Кўзларингдан бувинг ўргилсин,
Кел, бағримга босай, болажон!»
Ох, қадрдон она масканим
Ширин хотиралар қўргони.
Ҳар гал сенинг бағрингга келсам,
Ота-онам келар қўргани.
Ҳовлидаги райҳонзор бўйлаб
Онам ташлар оҳиста қадам.
Уфқларга тикилиб ўйчан,
Хаёл суриб ўлтирас дадам.

Болалигимда мен учун илҳом ўчоги бўлган
Боғбонқишлоқ ҳам баъзан менга хувиллаб қолгандек
туюлади.

Боғбон қишлоқ хувиллаб қолди,
Ўтиб кетди қанча азизлар.
Юрагимнинг қабатларида
Қолдиришиб муқаддас излар.
Болаликни эсларкан ҳар гал,
Қалбим ўқсиб кетар аламдан.
Муслим момо, Саодат хола,
Бувим, дадам ўтди оламдан.
Қариси бор бўлган қишлоқнинг
Париси бор дейдилар ҳалқда.

Хажрида куяр күнгил

Шеърлар ёзгим келар қишлоқда
Масjid қурган боболар хақда.
Бир болага етти маҳалла
Ота-она деган гап ҳам бор.
Хаёлимдан ўтиб туради
Қўшниларим сиймоси такрор.
Боғбон қишлоқ мунис бағрингга
Келиб яна яйраб овундим.
Қайда бўлмай, қай ерга бормай,
Сени қўмсаб сени соғиндим.
Қалби дарё одамларингдан
Мехр кўриб ғазаллар битдим.
Фақат сенинг бағрингдагина
Мен ўзимни енгил ҳис этдим.
Ҳали ҳануз қўмсайди юрак,
Илк мактабга борган дамларни.
Илк муаллим - Ражабов домла,
Ва Нурали муаллимларни.
Боғбон қишлоқ ота-онамдан
Менга қолган ёдигорликдирсан.
Бу дунёга келиб топганим
Бойликларим ичра бир дурсан.

Лекин бу ерда менинг энг ширин хотираларим қолган.
Хозир жиянларим менинг шеърларимни ёддан ўқиб беришади. Ҳатто баъзилари шеър машқ қилишар экан. Демак Боғбонқишлоқ ҳали ҳам ўз сеҳрини ва жозибасини йўқотмаган. Демак ҳали бу ерда «диёнат мавжуд» экан.

Бу ерларда ёшлигим ўтди,
Илк севгимнинг азобин чекиб.
Бу ерлардан гўзаллар кетди,

Юрагимга наштарлар тикиб.
Бу ерларда содик сирдошим-
Күхна чинор ўй сурар ҳануз.
Тушларига кирап эҳтимол,
Мени ташлаб кетган ўшал қиз.
Узун тунлар тинглаганман жим,
Дурбент сойнинг ғулувларини.
Мен севгандек севолмас ҳеч ким,
Боғбон қишлоқ сулувларини.

2001-йилда «Висол», 2002-йилда «Рухим ранглари», 2004-йилда «Уйғониш фасли», 2007-йилда «Кўнглим гуллари», 2012-йилда «Юракнинг маҳзун тунлари» номли шеърий китобларим чоп этилган. Рус ва тожик шоирлари ижодидан таржималар қилганман.

Шеър менинг учун ҳаёт ҳақиқатини тушунишда, ўзлигимни англаш йўлида бир улуғ мактаб вазифасини ўтади. Шеъриятнинг ҳаётимдаги ўрни, шеър ёзишдан мақсадимни ушбу шеърларда ифодалашга ҳаракат қилганман:

Болаликдан шеъриятга шайдо бўлдим,
Кўнглимга қул, ширин сўзга гадо бўлдим.
Адо бўлсам муҳаббат деб адо бўлдим,
Бойлик истаб қўлга қалам тутганим йўқ.
Инсон сабаб хар яхшию ёмонларга ,
Лекин айбни тўнкаб қўяр замонларга.
Ким юзини бурмаса эл томонларга ,
Мен уларни мардга қиёс этганим йўқ.
Фахрлансам арзир юртим, элим билан,
Шу юрт меҳри лим-лим тўлган дилим билан.
Эл дардини куйлаб ўтсан шеърим билан,

Хажрида куяр күнгил

Бахтлидирман, ўзга бахтни кутганим йўқ.

Қисмат ёзиги

Шоир бўлиш ёшлигимдан орзум бўлди,
Ёзганларим ўз дардларим, арзим бўлди.
Назар солсам эл ҳам менга дарддош экан,
Эл дардини куйлаш олий қарзим бўлди.
Улуг бахтни насиб этди менга ҳаёт,
Икки элнинг муҳаббати бўлди қанот.
Гоҳ ўзбекча, гоҳ тожикча тилда баёт,
Куйлаб яшаш менинг ҳаёт тарзим бўлди.
Меҳмон бўлдим Хўжанд, Хатлон, Бешкентларда,
Мухлис пайдо қилдим шаҳар ҳам кентларда,
Шеърим қўшиқ бўлди ҳатто Тошкентларда,
Дўстлик ипин бағлаш менинг фарзим бўлди.
Юрагимда туйгуларим сувдек зилол,
Кутлуг бўлсин икки элга хур истиқлол!
Бири қуёш бўлса бири менга ҳилол,
Икки элнинг мадҳин куйлаш қарзим бўлди.

28.04.2012йил

ҲАЁТ САБОҚЛАРИ

(Эссе)

Инсон борки кечаги кунини соғиниб яшайди. Вақт аталмиш шиддатли дарё оқимида кетар экан, у ўзининг умри қандай ўтаётганлигини ўйлашга баъзан фурсат тополмайди. Рузғор, бола-чақа ташвишида елиб югуради. Тириклик туфайли энг яқин қадрдонларидан хабар ололмайди. Кимлар биландир яхши-ёмон бўлади, сенуменга боради, ўз саломатлигини авайламайди. Кейин эса кечаги кунини эслаб, ўзини бахтсиз ҳис қилиб яшайди. Ҳақиқатдан ҳам инсон учун унинг соғлиги ва инсонлар

орасида қадр топиши энг катта баҳт. Бу дунёда чин дўст топиш мушкул, дўстликни сақлаб қолиш, унинг бардамлигини таъминлаш янада мушкулроқ. Бир қарашда биз доимо инсонлар курсовида яшаймиз: қўни-қўшни, ҳамкаслар, қарин-дош-урӯғ... Лекин баъзида юрагингни ёришга, дардингни айтишга бир ҳамдард инсон тополмайсан. Юрак сирингни ҳар қандай одамга айтгинг келмайди. Чунки сирингни билгач, устингдан кулгандарга гувоҳ бўлгансан. Шоирнинг ушбу сатрларини ўқиб, унинг ҳақлигига амин бўласан:

Кўрдик инсон феълин ўру-қирини,
Бахам кўришарлар аввал сирини,
Сўнигра нимта қилар бири-бирини,
Боқиб бу савдога ҳайрон ўтдик биз.

(А. Орипов)

Бир пайтлар шеърда фақат баҳтиёр туйғуларни куйлаш керак деб хисоблардим. Лекин борган сари дафтаримда баъзан аччиқ, инсонлар феъли-атворидан норозилик оҳангига ёзилган сатрлар беихтиёр пайдо булмоқда.

Баъзан сенинг олдингда ўзини дўст қилиб қўрсатиб, ўз манфаатини битиргунча «Сиз мардсиз, сиз хақиқий дўстсиз» деганларнинг орtingдан ғийбат қилганини эшитгач, чунки иккинчи бир «дўст» чақимчилик қилиб етказади, «Э бор-э, деб қул силтагинг, инсоннинг тубанликда ҳам ҳайвондан «устунлигига» тан бергинг келади.

Одам насли ҳар хил яралган,
Кимдир кучли, ким эса нимжон.
Тангри турли шамойил бериб,
Бандаларни айлар имтхон.

Ҳажрида куяр күнгил

Баъзан кимдир дустингман дея
Шерик бўлар ичган ошингга.
Яна сенинг фийбатинг қилиб,
Ортиради ғавғо бошингга.
Бундайлардан асло ўксима,
Кечиргину олма интиком.
Билмаса ҳам яхшилик тила,
Ахир, улуғ инсон деган ном!

Кечиримли бўлиш ҳам буюк фазилат. Бу бизга яратгандан
қиёматлик қарзди.

Комил инсон бўл, деди Аллоҳ,
Яратганда Одам Атони.
Айб қиласа ҳам бўлиб хайриҳоҳ,
Кечирди у қилган хатони.
Хамду сано ўзига лойиқ
ҳар бир иши мақтovга арзир.
Кечиримли, оқкўнгил бўлмоқ,
Бандаларга қиёмат қарзdir.

Агар барча инсонлар кечиримли бўлиб, билмай хиёнат
қилмаганларида, инсон деб аталмиш зот янада азизу му-
каррам бўлиб, узоқ умр кўрарди.

Яшасалар эди одамлар
Етиб бир-бирининг қадрига.
Камаярди юракда ғамлар,
Қўшиларди умр умрига.
Муте экан нафсимиз токи,
Дунё деган ёвуз сехрга.
Яшагаймиз дунёда ёлғиз,
Мудом ташна бўлиб меҳрга!

Бу дунёда инсон имтиҳон қилиниш учун юборилгани

ҳақиқат. Нима бўлганда ҳам Яратганинг раҳматидан умидвормиз. Унинг даргоҳига, ҳақиқий ватанимизга чин муҳаббат, ёруғ юз, покиза имон билан бормоқ барчамизга насиб этсин.

Марвариддек қалбим тубида
Пок севгимнинг ёди яшайди.
У қалбимга бағишилар илҳом,
Унинг бирла умрим яшнайди
Маккор дунё ҳийлаларидан
Бўлмагайман асло паришон.
Унинг ёлғон салтанатида
Яшаяпман етгунча имкон.
Қисматимдир-оғириу енгил
Йулларига кўниб қолганман.
Чин дунёга ёруғ юз билан
Бормоқликни ният қилганман.
Севгимнинг пок шуълаларидан
Кўнглим турар доим ёришиб.
Бир кун тугаб қолганда умрим
Рухим кетар унга қоришиб.

Мехрибон устоз, мўътабар дўст

Узтозимиз, атоқли шоир Ўлмас Жамол гарчи расмий унвони бўлмаса-да ҳақиқий халқ шоиридирлар. У киши қадимдан қондош ва жондош бўлган тожик ва ўзбек халқлари васфида ўлмас ғазаллар, мухаммасу мустазодлар, ширу шакарлар битган забардаст шоирдир. Жумхуриятимиз Президенти мўхтарам Эмомали Раҳмон томонидан у кишига «Дўстлик» орденини берилиши ҳам бежиз эмас, албатта. Тожикистанда яшаб, ўзбек тилида ижод қилаётган хар бир қаламкаш хоҳ

Ҳажрида күяр күнгил

насрда бўлсин, хоҳ назмда бўлсин Ўлмас акани ўзига узтоз дея эътироф этади. У кишининг «Икки тилли бир халқ васфига» мухаммаси мана, чорак асрдирким икки халқ дўстлигини тараннум этувчи шеърлар ичидаги ҳамон энг юқори чўйини эгаллаб турибди.

Ўлмас ака одамийлик бобида ҳам барчамизга ўрнак бўларли фазилатлар соҳибидирлар. Ҳеч эсимдан чиқмайди, 2002 йилда «Рухим ранглари» китобим у киши ёзган сўзбоши билан босилб чиқсан, «Халқ овози» газетаси таҳририятда китоб презентацияси бўлиб ўтди. Ўшандаги Устоз ўзлари ош дамлаб бериб, менга қараб «бир пайтлар менга Чустий домла шундай муруват кўрсатган эдилар, энди мен ҳам қарзимни узишим керак» деган эдилар.

Устозимиз кейинги йилларда баракали ижод қилдилар. Бу ижод маҳсули бўлиб «Суур», «Масрур» номли девонлари нашр этилди. Улуг шоиримиз Эркин Воҳидов айтганларидек, «йиллар Ўлмас Жамол шеъриятидаги дилбарликка донишмандликни қўшиб боряпти». Ушбу икки девонга кирган шеъру ғазаллар, мустазоду мухаммасларда дилбар ва ўйноқи сатрлар билан биргалиқда донишмандона ҳикматлар ҳам ўз аксини топган. Айниқса «Суур» девонидан ўрин олган байтларда устоз маърифат боғининг боғбони бўлиб гўзал, ҳикматга бой, фалсафий фикрлар силсиласини яратган. Куйида ушбу байтлардан баъзиларини келтириб ўтамиш:

«Дўстликни излагин шундай инсондан,
Дўст деб кечаолсин ҳаттоқи жондан»

«Ҳасад балосидан кимки фориғдир,
Ўшанинг юраги доим ёруғдур»

«Дўстим деб юрганинг қилса хиёнат,
Ўша кун сен учун бўлгай қиёмат»

«Асли тупроқдан қорилган бўлмасайди лойимиз,
Қайта ер оғуши бўлмас эрди сўнгги жойимиз»

«Ишқу дард шоирнинг икки қаноти
Шуларсиз парвоздан маҳрум ҳаёти»

«Сўзни ўйлаб сўзла, Ўлмас, йўқни этгай бор сўз,
Ўйламасдан сўзлаганни айлагай мурдор сўз»

«Унутма, замондош, унутма ҳаргиз,
«Дунё ўзгармагай, ўзгармасак биз»

Яқинда пойтахтга бориб устоздан хабар олдим. У кишининг айтишларича, Устознинг 3-чи девонлари нашр этилиш арафасида экан. Лекин ёзув столларида катта умумий дафтарларида у киши ўзларининг янги ёзган ғазалларидан менга бир нечтасини ўқиб бердилар. Бу шеърлар ҳам 3-чи девонга киритилганми?- деган саволимга, у киши «укахоним Раҳмонберди ҳожи Тошкентда Ўзбекистон халқ шоирлари Жамол Камол, Эркин Воҳидов ва Абдулла Ориповлар билан сухбат уюштириб дискини юборибдилар. Биродарим Жамол Камол «Ўлмас акамиздан тўртинчи девонни ҳам кутиб қоламиз, биратўла чордевон бўлсин» дебдилар. У ки-

Ҳажрида қуяр кўнгил
шини сўзларини эшитганимдан буён оромим йўқолган
тўртин девонни бошлаб қўйдим дедилар.

Мен устозга ушбу тўртинчи девонни яратишларида омадлар тилаб, яратган эгамдан у кишига узоқ умр, сиҳат саломатлик, ижодий зафарлар тилайман. Тажикистонда яшаб ўзбек адабиёти равнақига катта ҳисса қўшаётган Ўлмас Жамолдек меҳрибон устозим борлиги билан фахрланаман. Яқинда устозлар дуоси ва яхши одамларнинг кўмаги билан Кўрғонтепа шаҳрида менинг «Юракнинг маҳзун тунлари» деб номланган шеърий тўпламим нашрдан чиқди. Ушбу китобгдан устозимнинг 75 йиллиги муносабати билан ёзилган шеърим ҳам ўрин олган. Ушбу битикларимни шу шеър билан якунламоқчиман:

Устоз Ўлмас Жамолга

Азиз элнинг қадр топган ўғлонисиз, азиз устоз,
Одамийлик бўстонининг боғбонисиз, азиз устоз.
Дилингиздан таралгайдир маърифатнинг шуълалари,
Нафис назмий салтанатнинг султонисиз, азиз устоз.
Истагимдир яна йиллар шу гулшанда жавлон уринг,
Девонлардан кўнгилларга бузиб бўлмас кўприк қуринг.
Ширин ҳаёт «Сурур»идан доим «Масрур» бўлиб юринг,
Сиз миллатнинг ифтихори ва шонисиз, азиз устоз.

04.01. 2012йил

**Адабий бадиий нашр
Ҳасанбой Ғойиб**

**ҲАЖРИДА КУЯР КҮНГИЛ
шеърлар**

**Мухаррир: Жамшид Пиримов
Безовчи: Азамат Юсупов**

Қоғоз бичими 60x84 $\frac{1}{16}$ Шартли босма табоғи 10.

**«Графика» Полиграфияси
Кўргонтепа шаҳри Қаҳҳоров кўчаси 3.
www.grafika.tj**

Кўргонтепа-2012

**Муаллифлик ҳуқуқи Тожикистон Жумҳурияти
қонунлари ва ҳалқаро нормалар билан ҳимояланади.**

